



# შირაკი

## SHIRAKI

www.opentext.ge

გამოცემის 1937 წლიდან

№27 (9.543)

27 ივლისი 2012 წელი

ფასი: 50 თეთრი

ყოველკვირეული გამოცემა

## სპორტული სტადიონები - ქვემო ქედსა და არხილოსკალოს



25 ივლისს დედოფლისწყაროს მუნიციპალიტეტის გამგებელი ნიკოლოზ შანშიაშვილი, მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე თამაზ კირვალიძე სოფელ სამთაწყაროს, ქვემო ქედსა და არხილოსკალოს ესტუმრნენ. იქ მიმდინარე და დასრულებული ინფრასტრუქტურული სამუშაოები მონახულეს. მოსახლეობას სოფელში არსებული პრობლემების შესახებ გაესაუბრნენ. სამთაწყაროელებმა მადლობა გადაუხადეს მუნიციპალიტეტის ხელმძღვანელობას განუყოფელი დახმარებისათვის. სწორედ მათი ძალისხმევით მოხდა

სოფელში არსებული სასაფლაოსთვის მესერის შემოვლება.

ახალგაზრდების მოთხოვნით ახალი მინი-სპორტული სტადიონები გაკეთდა და კეთილმოეწყო სოფელ ქვემო ქედსა და არხილოსკალოში. მუნიციპალიტეტის გამგებელმა თავად მონახულა სტადიონები, ახალგაზრდებს გაესაუბრა და სიმბოლურად ბურთიც გაიტანა კარში.

მოსახლეობასთან შეხვედრებს წარმატებული მიუდოისტი, სამგზის ევროპის ჩემპიონი ზაზა კედელაშვილი ესწრებოდა. ის ახალგაზრდა თაობას მხარში დგომას დაჰპირდა და ურჩია, აქტიურად დაეკავდნენ ცხოვრების ჯანსაღი წესით.

მსოფლიო ბანკის პროექტის დირექტორი ასმათ აბესაძე მირზაანში მდებარე ფიროსმანის სახლმუზეუმის სარეაბილიტაციო ნუსხიდან ამოღების მიზეზებს განმარტავს და რეაბილიტაციის თანხებს უაზროდ გაბერილს უწოდებს. ეს განცხადება პროექტის ხელმძღვანელმა მირზაანში გამართული შეხვედრის შემდეგ გაზეთ „შირაქთან“ გააკეთა.

მისი განმარტებით, მსოფლიო ბანკი პროექტის დაფინანსებისთვის სრულ მზაობას გამოხატავს, თუმცა, ის რომ პირველ ეტაპზე ფიროსმანის მუზეუმი პრიორიტეტია სიიდან ამოღეს, ეს განაცხადი კულტურული მემკვიდრეობის დაცვის სააგენტოს ეკუთვნის.

მსოფლიო ბანკის წარმომადგენლები 20 ივლისს, დღის 12 საათზე დედოფლისწყაროს მუნიციპალიტეტის სოფელ მირზაანს ეწვევნენ და ნიკო ფიროსმანის სახლმუზეუმის მუზეუმში შეხვედრა გამართეს. მოხდა კახეთის რეგიონში მათ მიერ დაგეგმილი პროექტების პრეზენტაცია და დეტალური განხილვა. საუბარი იყო

სოფელ მირზაანში მდებარე ფიროსმანის მუზეუმის განვითარების პროექტის დაფინანსებაზეც. ცნობილია, რომ პირველ ეტაპზე მსოფლიო ბანკმა განსახორციელებელი პროექტების ნუსხიდან სოფელ მირზაანში ნიკო ფიროსმანის სახლმუზეუმის განვითარების პროექტი ამოიღო. გასულ თვეებში ექსპერტებმა ვითარება ადგილზე შეისწავლეს, შედგა პროექტიც, თუმცა, გაირკვა, რომ მუზეუმი სიიდან ამოღებულია.

ფიროსმანის სახლმუზეუმის მმართველ ნელი გობეჯიშვილს იმედი აქვს, რომ მსოფლიო ბანკი პროექტს შემდეგ ეტაპზე მაინც დააფინანსებს.

შეხვედრას მონაწილეობის მიზნით კახეთის სხვადასხვა რაიონებიდან დაესწრნენ, მათ შორის სილნალის გამგეობისა და კულტურის სამსახურის თანამშრომლებიც. შეხვედრა პრეზენტაციით დაიწყო. მსოფლიო ბანკის წარმომადგენლებმა წარმოადგინეს სლაიდშოუ, თუ რას გეგმავს მსოფლიო ბანკი

მსოფლიო მნიშვნელობის ძეგლების განვითარებისთვის. აღინიშნა, რომ ეს პროექტები იტალიელი სპეციალისტების შედეგნილია. მათი განმარტებით, კახეთის რეაბილიტაციის პროექტში შემავალ 12 სოფელში მოსახლეობის გამოკითხვა აწარმოეს, მიღებული შედეგები კი ვაშინგტონში - მსოფლიო ბანკის ცენტრალურ ოფისს მიანოდეს.

მირზაანში ჩამოსულმა სტუმრებმა აღნიშნეს, რომ მათ-

და საინტერესო იქნება კახეთის რეაბილიტაციის პროექტი, რომელიც უკვე მიმდინარეობს, ადგილობრივი მოსახლეობისთვის, ანუ, რამდენად მოიგებს მცირე, თუ მსხვილი ბიზნესი იმით, რომ კახეთში კულტურული მემკვიდრეობის ძეგლების ირგვლივ ინფრასტრუქტურა ვითარდება. რას მოგვიტანს ტურისტების გაზრდილი ნაკადი და იგრძნობს თუ არა სარგებელს სოფლის თითოეული მოსახლე. არადა, ტურისტების

ვინტერესდით მათი აზრით, თუ რა შემთხვევაში შეძლებენ ისინი იმ ბიზნესსაქმიანობაში ჩართვას, რომელიც ტურისტის მისაღებად არის საჭირო. მოგვხსენებთ ტურისტს ესაჭიროება მომსახურება, კვება, სასტუმრო, დასვენება და ა.შ. რაც შესაძლებელია ადგილობრივებმა შეასრულონ. ჩვენ მიღებული ინფორმაცია უკვე მივანოდეთ მსოფლიო ბანკს.

რაც შეეხება მეორე შეხვედრას, რამოდენიმე პრობლემატური საკითხი დასახელდა, რომლის გამოსავალიც აუცილებლად უნდა მოიძებნოს. გამოიკვეთა, რომ ტურიზმი კახეთში არის სეზონური. ყველა მხარე აღნიშნავს, რომ ტურისტების ნაკადის მატება მათთვის იწყება, აგვისტოში საზღვაო სეზონის გამო იკლებს და სექტემბერ-ოქტომბერში კვლავ ახლდება. შემდეგ ნაკადი ისევ წყდება. საინტერესოა, როგორ ფიქრობს მოსახლეობა სეზონური ტურიზმის პრობლემის მოგვარებას და რა უნდა გაკეთდეს იმისთვის, რომ ტურისტი სხვა თვეებშიც მოდიოდეს.

(გაგრძელება გვ.4)

## ფიროსმანი და ფინანსები: მრავალჯეროვანი პრობლემა

ფიროსმანის სახლმუზეუმის მმართველ ნელი გობეჯიშვილს იმედი აქვს, რომ მსოფლიო ბანკი პროექტს შემდეგ ეტაპზე მაინც დააფინანსებს.

ვის განსაკუთრებით მნიშვნელოვანი იქნებოდა თითოეული მირზაანელის მოსაზრება, იდეა ან შენიშვნა ნებისმიერ საკითხთან დაკავშირებით. ამიტომ, დარბაზში შეკრებილ საზოგადოებას ისინი აქტიური ჩართულობისკენ და იდეების გაზიარებისკენ მოუწოდებდნენ.

„ვფიქრობ, რომ ძალზე საინტერესო პროექტები გამოდის. მსოფლიო ბანკი ძალიან ღელავს და დაინტერესებულია იმით, თუ რამდენად სარგებლის მომტანი

ზრდის ტენდენცია უკვე შესამჩნევია. ჩვენი მიზანი სწორედ ეს იყო, რომ გამოგვეჩვენა, საკითხები, რომლებიც რეაბილიტაციის პროგრამის მიღმა დარჩა და აუცილებლად მოსაგვარებელია. იმისთვის, რომ მოსახლეობამ მაქსიმალური შედეგი მივიღოთ. ამ თემაზე უკვე მეორე შეხვედრა იმართება. პირველ საფეხურზე გამოკითხვები ჩავატარეთ კერძო სექტორში, თვითმმართველობის ორგანოებსა და რიგით მაცხოვრებლებში. და-

**დედოფლისწყაროდან - ლონდონამდე**

33 5

**1 აგვისტოდან მსხვილფეხა რქოსანი პირუტყვის უფასო ვაქცინაცია დაიწყება**

33 2

**ყურადღებასიხსლავ!**

ქალაქ დედოფლისწყაროში, ნიკორციხის ქუჩაზე, ყოფილი ყველმრეწვის შენობაში, ფუნქციონირება დაიწყო საქონლის სასაკლაომ. მსურველები დაგვიკავშირდით: 579 632007; 571 199881

**ყველაზე სანდო წყარო დედოფლისწყაროში მიმდინარე მოვლენების შესახებ!**

- ახალი ინფორმაცია
- სამართლებრივი აქტები
- აუქციონი
- ტენდერი - ყველაფერი მხოლოდ ჩვენთან!

ის, რასაც სხვებთან ვერ ნაიპოვებთ!

[www.dedoplistskaro.ge](http://www.dedoplistskaro.ge)



# ვანო მერაბიშვილი - გვინდა, რომ 1 სექტემბრიდან სამედიცინო ზერსონალის ხელფასები გაიზარდოს

„ჩვენ ვიცით, რომ ზოგიერთ შემთხვევაში ექთნებს ძალიან დაბალი ხელფასი აქვთ და ჩვენ ეხლა ვფიქრობთ სადაზღვევო კომპანიებთან და პირველ რიგში ვაყენებთ საკითხს, რომ პირველი სექტემბრიდან ექთნების, ექიმების და სანიტარების ხელფასები გაიზარდოს“, — ამის შესახებ საქართველოს პრემიერ-მინისტრმა ვანო მერაბიშვილმა განაცხადა.

პრემიერ-მინისტრის განცხადებით, საქართველოს მასშტაბით სამედიცინო დანესტრუქტურების რეაბილიტაციის შემდეგ სამედიცინო ცენტრებში მიმართვიანობის რაოდენობა ექვსჯერ გაიზარდა და 1 სექტემბრიდან ეს ტენდენცია კიდევ უფრო გაძლიერდება, რაც დაზღვევის სახელმწიფო პროგრამის გაფართოებას უკავშირდება.

„2012 წლის 1 სექტემბრიდან, ხელმისაწვდომი ჯანდაცვის უზრუნველყოფის სამთავრობო პროგრამის ფარგლებში, სახელმწიფოს მიერ დაზღვეულ პირთა რაოდენობა 1 მილიონი ადამიანი გაიზარდა და 1 მილიონ 900 ათას ადამიანს მიაღწევს, რასაც ის 500 ათასი ადამიანი ემატება, ვინც კერძო დაზღვევებით სარგებლობს. შედეგად, 1 სექტემბრიდან საქართველოს ყოველი მეორე მოქალაქე ისარგებლებს ჯანმრთელობის დაზღვევის პოლისით“, — აღნიშნა ვანო მერაბიშვილმა.

# დიმიტრი გვინდაძე - აგროსესხების გადაუადგებაზე სახელმწიფოს ადეკვატური ზასუსი ექნება

ფინანსთა მინისტრი დიმიტრი გვინდაძე სტიქიით დაზარალებულ მოსახლეობას საბანკო სესხებთან დაკავშირებით მაქსიმალურად ადეკვატურ რეაგირებას პირადება.

როგორც გვინდაძემ პარლამენტის დღეს გამართულ რიგგარეშე სხდომაზე ოპოზიციის კითხვის პასუხად განაცხადა, სახელმწიფო, საჭიროებებიდან გამომდინარე, როგორც ბანკებთან, ისე ფერმერებთან იმუშავებს.

„საჭიროებების აღწერა უკვე მიმდინარეობს, რადგან ძალიან ბევრი ინფორმაცია მოსაგროვებელი. ჩვენი პასუხი იმ გამოწვევების მაქსიმალურად ადეკვატური იქნება, რაც სოფლის მეურნეობის დარგში არსებობს“, — აღნიშნა დიმიტრი გვინდაძემ.

სტიქიით დაზარალებული, აგროსესხების მქონე გლეხების დახმარების საკითხი სხდომაზე ფრაქცია „ქრისტიან-დემოკრატებმა“ დასვა. როგორც ფრაქციის წევრებმა აღნიშნეს, სესხების ერთი წლით გადავადება, რასაც სახელმწიფო ამ გლეხებს პირადება, საკმარისი არ იქნება, რადგან ისინი მოსავლის მიღებას 2-3 წლის მერე შეძლებენ. შესაბამისად, ოპოზიციონერი დეპუტატები სტიქიით დაზარალებულთათვის აგროსესხების გადავადებაზე 2-3-წლიანი შეღავათის დაწესებას ითხოვენ.

# სტიქიის შედეგების დიკვიდაციისათვის საჭირო თანხა 2013 წლის ბიუჯეტშიც აისახება

ფინანსთა მინისტრ დიმიტრი გვინდაძის განცხადებით, საქართველოს რეგიონებში მომხდარი სტიქიის შედეგების ლიკვიდაციისათვის საჭირო თანხა 2013 წლის სახელმწიფო ბიუჯეტშიც იქნება გათვალისწინებული. მან ეს განცხადება პარლამენტის რიგგარეშე სხდომაზე 2012 წლის ბიუჯეტის ცვლილებების პროექტის განხილვისას გააკეთა, რომელიც სწორედ სტიქიის შედეგების ლიკვიდაციითა და მოსახლეობის კომპენსირებით არის განპირობებული.

მინისტრის თქმით, მიმდინარე წლის ბიუჯეტით გათვალისწინებული 162 მილიონი ლარი „ბოლო გაჩერება“ არ არის.

„ამას მსხვილი ასიგნებები მოჰყვება — ათობით მილიონი ლარი“, — აღნიშნა დიმიტრი გვინდაძემ და დასძინა, რომ წელს სტიქიის ლიკვიდაციაზე მხოლოდ 162 მილიონი არ დაიხარჯება, რადგან სამინისტროებმა მათი ასიგნებების ხარჯვა სტიქიის დღიდანვე დაიწყეს. ეს თანხა კი ხსენებულ 162 მილიონ ლარს ემატება.

# ლევან ბეჟაშვილი კახეთის აღდგენისა და აღორძინების საკოორდინაციო შტაბის ხელმძღვანელად დაინიშნა

25 ივლისს საქართველოს პრეზიდენტმა კახეთში მის პირად წარმომადგენლად ლევან ბეჟაშვილი დაინიშნა. კონტროლის პალატის ყოფილი თავმჯდომარე სათავეში კახეთის აღდგენისა და აღორძინების შტაბს ჩაუდგება და იმ სამუშაო ჯგუფს უხელმძღვანელებს, რომელიც სტიქიის შედეგების აღმოფხვრის ღონისძიებებს ახორციელებს. როგორც მიხეილ სააკაშვილმა აღნიშნა, ლევან ბეჟაშვილს სახელმწიფო თანხის განკარგვის დიდი გამოცდილება აქვს, რაც დაკისრებული მოვალეობის შესრულების დროს მას დიდად წაადგება.

„ძალიან ვაჟკაცური საქციელია ის, რომ დატოვებული მალალი თანამდებობა და კონტროლის პალატის ხელმძღვანელის პოსტს მშობლიური კუთხის, კახეთის დახმარება ამჯობინე. მართალია, მსხვერპლი არ იყო და ამ მხრივ გადავრჩით, მაგრამ მსგავსი მასშტაბის ნგრევა, საქართველოს არ ახსოვს. ძალიან დიდი გამოცდილება გაქვს სახელმწიფო თანხის განკარგვის, მისი მიზნობრივად და ეფექტიანად გამოყენების და ეს მეტად მნიშვნელოვანია. პარლამენტმა ძალიან დიდი თანხა გამოყოფს სტიქიის შედეგების ლიკვიდაციისთვის და, საბოლოოდ, ვფიქრობ, რამდენიმე ასეულ მილიონს მიაღწევს. ამიტომ, გთხოვ, სათავეში ჩაუდგე კახეთის აღდგენისა და აღორძინების საკოორდინაციო შტაბს და გახდე ჩვენი მთავრობის, პრეზიდენტის პირადი წარმომადგენელი. ამ საკითხებით პირადად მეც და მთავრობის წევრებაც ვიქნებით დაკავებული, მაგრამ ეს დაგვჭირდება ახლაც და რთველის პერიოდშიც“, — აღნიშნა ქვეყნის პირველმა პირმა მასთან საუბრისას.

შეხვედრის დროს მიხეილ სააკაშვილმა ლევან ბეჟაშვილთან ერთად კიდევ ერთხელ განიხილა სტიქიის შედეგების წინასწარი მონაცემები და შესასრულებელი სამუშაოების შესახებ იმსჯელა. როგორც ბეჟაშვილმა პრეზიდენტს განუმარტა თელავში, დაახლოებით, 1045 სახლი და 109 კორპუსისა დაზიანებული. მისი თქმით, ამ ეტაპზე აღდგენის სამუშაოები აქტიურად მიმდინარეობს. ქვეყნის პირველი პირის თქმით, დაზარალებულებს დახმარება სჭირდება არა მხოლოდ კახეთში, არამედ მცხეთა-მთიანეთსა და სამცხე-ჯავახეთში.

„რა თქმა უნდა, ჯობდა, ეს უბედურება თავს არ დაგვტეხოდა, მაგრამ, ვფიქრობ, ხალხმა დაინახა, რომ მთავრობა ეფექტიანია და მოწოდების სიმაღლეზე დგას. ეს იმას არ ნიშნავს, რომ ერთი წუთით მაინც შეგვიძლია მოვდუნდეთ, რადგან ხალხი ჯერ კიდევ სახურავის გარეშეა დარჩენილი და ზოგს კომპენსაციაც არ მიუღია. ეს პროცესი დროულად არის დასამთავრებელი და შემდეგ გადარჩენილ ვენახებში საუკეთესო რთველი უნდა ჩავატაროთ. კახეთზე მუდმივად უნდა ვიზრუნოთ, რათა მომავალი წლისთვის შემოვიტანოთ უკეთესი ჯიშები და ხალხმა კარგი მოსავალი მიიღოს. უნდა ვიფიქროთ იმაზეც, რომ ამ გადავადებულ კრედიტებს, რომელიც მათ მომავალ წელს დაანება, გასტუმრება უნდა“, — განაცხადა პრეზიდენტმა.

ლევან ბეჟაშვილისა და მიხეილ სააკაშვილის შეხვედრა ქუთაისში, მთავრობის სახლში გაიმართა.

# მოსახლეობისთვის კომპენსაციების დარიგება აგვისტოდან დაიწება

პრეზიდენტის პრესსპიკერის მანანა მანჯგალაძის განცხადებით, სტიქიის შედეგად დაზარალებული მოსახლეობა, კომპენსაციებს 15 აგვისტომდე მიიღებს.

ამის შესახებ განცხადება, მანჯგალაძემ დღეს გამართულ ტრადიციულ ბრიფინგზე გააკეთა.

მისი თქმით, სასურსათო კალათა 28 000 ოჯახს უნდა მიეღოს და ამ დროისთვის უკვე 14 000 ოჯახს მიღებული აქვს. პრეზიდენტის პრესსპიკერის ინფორმაციით, კახეთს 26 ივლისისთვის ენელექტროენერჯის მიწოდება სრულად აღუდგება.

„სავარაუდოდ, საკომპენსაციო თანხების დარიგება აგვისტოს პირველ რიცხვებში დაიწყება, 15 აგვისტოსთვის ეს პროცესი უკვე დასრულებული იქნება. საბიუჯეტო ცვლილებებით გათვალისწინებულია 160 მილიონი ლარის მობოლოება, საიდანაც 50 მილიონით სტიქიის შედეგების სალიკვიდაციოდ განსახორციელებელი გადაუდებელი ღონისძიებები დაფინანსდება“, — განაცხადა მანჯგალაძემ.

პრესსპიკერის განცხადებით, რეგიონში სულ 30 000 სახლი იყო დაზიანებული, ამ დროისათვის კი, 80%-ზე მეტს უკვე სარეაბილიტაციო სამუშაოები უტარდება.

# საინვესტიციო სააგენტოს გიორგი ზერტაია უხელმძღვანელებს

საქართველოს საინვესტიციო სააგენტოს დირექტორის თანამდებობაზე უკვე ყოფილი ბიზნეს ომბუდსმენი გიორგი ზერტაია დაინიშნა.

პრეზიდიმ სააგენტოს დირექტორის თანამდებობაზე ქვეყნის ბიზნეს-დეველოპერს გიორგი ზერტაიას დაინიშნა.

პრეზიდიასთვის უცნობია, ვინ შეცვლის მას ბიზნეს ომბუდსმენის თანამდებობაზე.

კანონის თანახმად, ბიზნეს ომბუდსმენს საქართველოს პრემიერ-მინისტრი საქართველოს პარლამენტის თავმჯდომარესთან შეთანხმებით ნიშნავს.

საქართველოს საინვესტიციო სააგენტო საჯარო დაწესებულებაა, რომელიც უცხოური ინვესტიციების მოზიდვასა და ექსპორტის ხელშეწყობაზე მუშაობს.

# 1 აგვისტოდან მსხვილფეხა რქოსანი პირუტყვის უფასო ვაქცინაცია დაიწყება



1 აგვისტოდან სახელმწიფო პროგრამის ფარგლებში მსხვილფეხა რქოსანი პირუტყვის უფასო ვაქცინაცია დაიწყება. ამის შესახებ საქართველოს პრემიერ-მინისტრმა ვანო მერაბიშვილმა განაცხადა.

„უფასო ვაქცინაციის სახელმწიფო პროგრამა მსხვილფეხა რქოსანი პირუტყვის დაავადებათა პრევენციისთვის ორიენტირებული. პროგრამის თანახმად, საქართველოს მასშტაბით 1 აგვისტოდან თურქული, ხოლო 1 სექტემბრიდან ვილფის ვაქცინაცია დაიწყება. ამ მიზნით, დაახლოებით ერთ კვირაში იტალიიდან შემოვა 950 000 თურქული ფრანგული წარმოების ვაქცინა, ხოლო უკრაინიდან და რუმინეთიდან ვილფის 180 000 ვაქცინა. ვაქცინაციის განსახორციელებლად შეიქმნა 250 მობილური ჯგუფი, რომლებიც ქვეყნის მასშტაბით 53 მუნიციპალიტეტის 3000 სოფელში ადგილზე განახორციელებენ ვაქცინაციას“, — განაცხადა ვანო მერაბიშვილმა.

# უძველესი ტაძრის ნანგრევები აღმოაჩინეს

ყვარელში დოლოჟოპის ტერიტორიაზე V-VI საუკუნის ნანგრევები აღმოაჩინეს. ნაგებობა დაახლოებით 40 მ სიგრძისა და 16 მ სიგანის, 5 წყვილი ჯვარისებრი გუმბათის სვეტების წყვილით სამ ნავად დაყოფილ ბაზილიკური ტიპის ტაძარს წარმოადგენს.

სამნავიანი ბაზილიკური ტაძარი, თავისი სიდიდით გაცილებით დიდია, ვიდრე ბოლნისის სიონი.

როგორც ექსპედიციის ხელმძღვანელმა ნოდარ ბახტაძემ განაცხადა, ეკლესია სავარაუდოდ მეშუა-მეექვსე საუკუნეშია აშენებული. ამ ეტაპზე ადგილზე განმედიოთი სამუშაოები მიმდინარეობს, რის შემდეგაც კვლევები დაიწყება და დაზუსტდება, თუ რომელ საუკუნეშია აგებული ტაძარი.

ტაძრის მიმდებარე ტერიტორიაზე არქეოლოგიური სამუშაოების ჩატარებაზე ტენდერი კულტურული მემკვიდრეობის დაცვის სააგენტომ გამოაცხადა. სამუშაოების შესრულების სურვილი მხოლოდ ილიას სახელმწიფო უნივერსიტეტმა გამოთქვა, რომელიც ამ სამუშაოსთვის ბიუჯეტიდან 39 900 ლარს მიიღებს.

ტაძრის მიმდებარე ტერიტორიაზე სამარხებსაც მიაკვლიეს, თუმცა ისინი გაძარცვულია.

არქეოლოგები ვარაუდობენ, რომ ეს არქეოლოგიური აღმოჩენა მასშტაბური იქნება.

არქეოლოგიური სამუშაოები დოლოჟოპის ტერიტორიაზე წლის ბოლომდე უნდა დასრულდეს.

# გ ა ნ მ ა რ ტ ე ბ ა

გაზეთ „შირაქის“ რედაქცია გაცნობებით, რომ 28 ივლისს დაანონსებული ნინი ბადურაშვილის კონცერტი გადაიდო. მიზეზი კახეთში მომხდარი სტიქიური უბედურება გახდა. როგორც გაზეთის ნინი ბადურაშვილის პროდიუსერმა ბექა ხალათაშვილმა აცნობა, სტიქიის გამო საკონცერტო ტურნიდან კახეთის რეგიონი დროებით ამოიღეს, თუმცა ეს იმას არ ნიშნავს, რომ კონცერტი აღარ გაიმართება.



# მიხეილ სააკაშვილმა თელავში მიმდინარე სარეაბილიტაციო სამუშაოები დაათვალიერა

26 ივლისს საქართველოს პრეზიდენტმა თელავში მიმდინარე სამუშაოები დაათვალიერა. მიხეილ სააკაშვილი მშვიდობის ქუჩაზე მიმდინარე სარეაბილიტაციო სამუშაოებს გაეცნო და ალახნისველის გამზირზე მოსახლეობას შეხვდა, რომელსაც დაგეგმილ ღონისძიებებსა და სამომავლო პროექტებზე ესაუბრა.

„აქ ყველა სახლი აუცილებლად გადაიხურება, თუმცა დღეს აქ მოვედი თბილისის მერთან ერთად, რომლის ინიციატივითაც აქ სკვერი გაკეთდა. პირველი დღიდან თელავში თბილისის დასუფთავების სამსახურის თანამშრომლები მუშობენ. ასევე აქ იმყოფება ჩვენი შეიარაღებული ჯარების სარეზერვო და ძირითადი შემადგენლობა. კახეთში დასახმარებლად ჩამოვიდნენ ყველა რეგიონიდან - მე შემხვდნენ ხაშურელები, ბათუმელები, ოზურგეთელები, რუსთაველები, ქუთაისელები და ეს არის საერთო ქართული აღდგენის პროცესი. ეს პროცესი არ დაწყებულა მარტო ამ სტიქიის დამო, თუმცა ამ მოვლენამ დიდი სტიმული მოგვცა და მხოლოდ სტიქიის შედეგების ლიკვიდაციით არ გაჩერდება. ეს მოედანაც მოეწყობა, რაც თბილისის სოლიდარობის გამოხატულებაა“, - აღნიშნა პრეზიდენტმა.

ქვეყნის პირველი პირი მოსახლეობის პრობლემებთან დაინტერესდა და ადგილობრივთა ის ნაწილი დაამშვიდა, რომელთანაც აღდგენითი სამუშაოები ჯერ არ დაწყებულა. მიხეილ სააკაშვილის თქმით, ვერც ერთი ქვეყნის მთავრობა ვერ მოახერხებდა ერთ კვირაში სახლების, თუნდაც, 70 პროცენტის აღდგენას. საქართველოს ხელისუფლებამ კი, პრეზიდენტის განცხადებით, ეს შეძლო, რაც იმას ნიშნავს რომ ქვეყანას ეფექტიანი და ქმედითი მთავრობა ჰყავს.

„მე მინდა კახელებს ვუთხრა, მათ, ვისთანაც სამუშაოები ჯერ არ დაწყებულა კახეთში ჯერ

კიდევ სახლების მესამედში არ მისულან აღსადგენად, თუმცა ყველგან მივალთ და ყველა დაზარალებულს შევხვდებით. ყველგან ერთბაშად ვერ დავინწყებდით - ამდენი არც მასალა გვექონდა და არც მუშა-ხელი, მაგრამ აუცილებლად შევალთ ყველგან. რაც მთავარია, სახურავების შეკეთების პარალელურად, მოვანყობთ ეზოებს ისე, როგორც ეს შეეცარია და პოლიტიკაში, განვადგინებთ სასურსათო დახმარებას და სტუდენტების ხელშეწყობას, რათა გარეთ არ დარჩნენ. თელავის ცენტრში სამუშაოები აუცილებლად უნდა დაეასრულოთ. სწორედ ახლაა დრო ყველაფერი ვაკეთოთ - სახლებიც აღვადგინოთ, სკვერებიც ვაშენოთ, ეკონომიკაც განვავითაროთ, აღმშენებლობაც გავაგრძელოთ... თელავი საქართველოს სანიმუშო ქალაქად, ქართული აღმშენებლობის გვირგვინად უნდა ვაქციოთ“, - განაცხადა მიხეილ სააკაშვილმა.

ქვეყნის პირველი პირი თელავში თბილისის მერთან გიგი უგულავასთან ერთად იმყოფებოდა. სტიქიის შედეგების ლიკვიდაციისა და დაზიანებული ინფრასტრუქტურის აღდგენის სამუშაოებში თბილისის მერიის კეთილმოწყობის, დასუფთავებისა და გამწვანების საქალაქო სამსახურები აქტიურად არის ჩართული. მშვიდობის ქუჩაზე თელაველებს თბილისის მერიამ საჩუქრის სახით დასასვენებელი სკვერი და სათამაშო მოედანი მოუწყო. დამონტაჟდა გარე განათების სისტემა და საბავშვო ატრაქციონები. მერიის ინიციატივით, რეკრეაციის ზონების მონყობა კვლავაც გაგრძელდება და აგვისტოს დამლევამდე კიდევ ცხრა ახალი სკვერი გაიხსნება. ამ დროისათვის ელექტროენერგია, წყალი და ბუნებრივი აირი თელავში ყველა აბინენტს მიეწოდება. სახურავებისა და დაზიანებული სახლების აღდგენას სპეციალისტები კვლავაც განაგრძობენ.



## დედოფლისწყაროში საბავშვო ბაღების რეაბილიტაციის მიმდინარეობს

დედოფლისწყაროს რაიონის სოფლებში: ხორნაბუჯში, გამარჯვებაში, არხილოსკალოსა და ფიროსმანში საბავშვო ბაღების რეაბილიტაციისთვის ადგილობრივი ბიუჯეტიდან 310 ათასი ლარი გამოიყო.

საბავშვო ბაღების შენობები ბოლო 7-8 წლის განმავლობაში დაზიანებული იყო, ფიროსმანში კი საბავშვო ბაღი საერთოდ არ ფუნქციონირებდა. „ამ დროისთვის სარეაბილიტაციო სამუშაოები ოთხივე ბაღში მიმდინარეობს. ხორნაბუჯის საბავშვო ბაღისთვის ბიუჯეტიდან 97 ათასი ლარია გამოყოფილი, გამარჯვების საბავშვო ბაღისთვის — 93 ათასი ლარი, არხილოსკალოს საბავშვო ბაღისთვის — 80 ათასი ლარი, ხოლო ფიროსმანის საბავშვო ბაღისთვის 40 ათასი ლარი გამოიყო. სოფელ ფიროსმანში საბავშვო ბაღი საერთოდ არ არსებობდა და ამიტომ ჩვენ კერძო სახლი შევიძინეთ. საბავშვო ბაღებს

ს რ უ ლ ი რ ე ა ბ ი - ლ ი ტ ა ც ი ა ჩ ა უ ტ ა რ - დ ე ბ ა , ა ს ე ვ ე მ ო ე ნ ყ ო ბ ა ე ზ ო ე ბ ი . ს ა რ ე ა ბ ი - ლ ი ტ ა ც ი ო ს ა მ უ - შ ა ო ე ბ ი , ს ა ვ ა რ ა უ - დ ო დ , 1 5 ს ე ქ ტ ე მ - ბ რ ი ს თ ვ ი ს და ს რ უ ლ - დ ე ბ ა “ , — გ ა - ნ ა ც ხ ა დ ა დ ე დ ო ფ ლ ი ს წ ყ ა რ ო ს მ უ ნ ი ც ი - პ ა ლ ი ტ ე ტ ი ს სა კ რ ე ბ უ ლ ო ს თ ა - ვ მ ჯ დ ო მ ა რ ე მ ლ ე ვ ა ნ ბ ა ლ ა მ - ვ ი ლ მ ა .

25 ივლისს ქედების ზონაში ვიზიტისას დედოფლისწყაროს მუნიციპალიტეტის გამგებელმა ნიკოლოზ შანშიაშვილმა



## დაზარალებული სტუდენტები წელს სწავლის გადასახადისგან გათავისუფლდებიან

სტიქიის შედეგად დაზარალებული სტუდენტები წელს სწავლის გადასახადისგან გათავისუფლდებიან. ამის შესახებ საქართველოს პრეზიდენტმა მიხეილ სააკაშვილმა თელავში, მოსახლეობასთან შეხვედრაზე განაცხადა.

„ვისაც სწავლის გადასახადი აქვს გადასახდელი, იმათ მოვუხსნით წელს გადასახადს, ეს ძალიან მნიშვნელოვანია, საერთოდ მოვუხსნით, ის კი არა, რომ გაუყუინავთ, მოვუხსნით,“ — განაცხადა მიხეილ სააკაშვილმა.




საბავშვო ბაღის სარემონტო სამუშაოებიც მოინახულა და მომუშავე პერსონალს გაესაუბრა. ქვემო ქედის საბავშვო ბაღის აღსაზრდელები შემოდგომიდან გარემონტებულ და კეთილმოწყობილ ბაღში განთავსდებიან.



# ფიროსმანი და ფინანსები: მარადიული პრობლემა

(პირველი გვერდიდან)

გვინდა ვისაუბროთ საუკეთესო მაგალითებზე, შევქმნათ საუკეთესო სცენარი, როგორ შევინარჩუნოთ ტურისტთა ნაკადი ყველა სეზონზე. რა სახის ბიზნესის განვითარება შეიძლება კახეთში თუნდაც სახელმწიფოს დახმარებით. რა შეიძლება შევთავაზოთ ტურისტს. ხომ არ არის იმის საჭიროება, რომ ტურისტებისთვის შეთავაზებული სერვისი იყოს კიდევ უფრო გამრავალფეროვნებული. რა არის ამისთვის საჭირო როგორც სახელმწიფოს, ისე კერძო სექტორის მხრიდან. ასევე საინტერესოა, როგორ გავახანგრძლივოთ ტურისტის დარჩენა კახეთის რეგიონში.



იმ მიზეზით, რომ კახეთი თბილისთან ახლოს მდებარეობს, ტურისტების ხანგრძლივობა ორ დღეს არ აღემატება. ხანდახან ერთი დღით ჩამოდიან. დილით გვესტუმრებიან და ურჩევენიათ საღამოს ისევ თბილისში დაიძინონ. ანუ, ამ მიზეზით კახეთში ფული არ იხარჯება. ფინანსები მიემართება ისევ დედაქალაქისკენ. რატომ ხდება ასე, არ გვაქვს ადგილზე შესაბამისი სასტუმროები, თუ რაშია პრობლემა. ამიტომ ადგილობრივების მოსაზრებების ანგარიშის მოსმენა საინტერესო იქნება. სექტემბერში გვექნება კიდევ ერთი მუშა ჯგუფის შეხვედრა, სადაც შედეგებს შევაჯამებთ და მსოფლიო ბანკის ვაშინგტონის ოფისს წარვუდგინებთ და სამუშაო გეგმა დაისახება.

მსოფლიო ბანკთან 2 დღის წინ მქონდა საუბარი. მას აქვს შეზღუდული რესურსი. მოგეხსენებათ, რომ ეს არ არის გრანტი, არამედ ჩვენ ვაძლევთ სესხს. ჩვენს მიერ თანხების ხარჯვა დამოკიდებულია სახელმწიფოს მოთხოვნაზე. თავად სახელმწიფომ უნდა გადაწყვიტოს ამა თუ იმ საქმიანობისთვის აიღებს თუ არა მსოფლიო ბანკის სესხს. ჩვენს ხელში არის შეთავაზება. მსოფლიო ბანკის ხელმძღვანელობა მიიჩნევს, რომ მას ხელში აქვს საკმარისი ინსტრუმენტი იმისათ-

ვის, რომ დაარწმუნოს ქართული მხარე დათანხმდეს დამატებითი სესხის აღებაზე, რათა მოგვარდეს ცალკეული საკითხები. არსებული რეაბილიტაციის პროექტში კონსერვაციის თემა არ არის გათვალისწინებული. მსოფლიო ბანკი აპირებს, ამ კვლევების შესახებ მომზადებული ანგარიშის შედეგები ხელში დაიჭიროს და მოიაროს ყველა დონორის ოფისი, ყველა საერთაშორისო საფინანსო ინსტიტუტი, რათა მოინახოს საკმარისი თანხა იმისათვის, რომ ვინც პროექტის გარეთ დარჩნენ მათი პრობლემებიც მოგვარდეს. ეს შეეხება მათ შორის მირზაანის მუზეუმსაც, რომლის დაფინანსება საკმარისი არ აღმოჩნდა და სიაში ვერ შევიდა. ასევე ეხება ბევრ ძეგლს, რომელსაც ბევრი პრობლემა აქვს.

- რაში მდგომარეობს მსოფლიო ბანკის ინტერესი ფიროსმანის მუზეუმთან დაკავშირებით?  
- ფიროსმანის მუზეუმი იმის საუკეთესო მაგალითია, თუ როგორ შეიძლება მრავალფეროვანი გავხადოთ ტურისტული პროდუქტი კახეთში. ეს არის უნიკალური ადგილი, რადგან მსოფლიოში ერთადერთი ყველაზე ცნობილი და აღიარებული ქართველი მხატვარია. ის ერთადერთია, რომლის ნახატებიც იყიდება „სოტის“ და სხვა ცნობილ აუქციონებზე. აქედან გამომდინარე მირზაანი არის უნიკალური ადგილი არამარტო ჩვენთვის და კახელებისთვის, არამედ ყველა იმ ადამიანისთვის, ვინც ფერწერაში ოდნავ მაინც ერკვევა. ტურისტებისთვის საინტერესოა, რომ რამოდენიმე საომანსტრო კომპლექსის შემდეგ ნახოს რაიმე განსხვავებული და მინდა გითხრათ, რომ ეს განსხვავებული ადგილი არის სოფელი მირზაანი. ეს არის შესანიშნავი ტერიტორია, სადაც მშვენივრად შეიძლება დასვენება. აქ არის ასევე ნიკალას ორიგინალები, აქ არის სახლი, სადაც ფიროსმანი დაიბადა და გაიზარდა, სადაც ხატავდა. ამას გარდა, აქ არიან ქალბატონები, რომლებიც საოცრად საინტერესოდ ყვებიან

ნიკალას ბიოგრაფიას და ნამუშევრების ისტორიას. ტურისტული თვალსაზრისით ეს ყველაფერი საოცრად საინტერესოა. წელიწადში აქ 100 ათას ტურისტზე მეტი მოდიოდა საბჭოთა კავშირის დროს, ეს კი იმიტომ, რომ იმ პერიოდში საოცრად განვითარებული იყო ინფრასტრუქტურა.

**- მირზაანი ტურისტულ რუკაზე არაა დატანილი, რატომ არ არის შეყვანილი ტურისტულ მარშრუტში?**

- როდესაც მე ტურისტულ ოპერატორებთან ეს საკითხი დავაყენე, ისინი ერთ-ერთ მთავარ მიზეზად ასახელებენ იმას, რომ გზა არის ძალიან დაზიანებული და ტრანსპორტს ამოსვლა უჭირს და მეორე ის, რომ ინფრასტრუქტურა მოუწყობელია. მუზეუმის ეზოში საპირფარეო და ხელსაბანიც არ არის მოწყობილი.

**- რატომ ამოიღეს სიიდან?**

- ზუსტი პასუხი გამიჭირდება, მაგრამ მსოფლიო ბანკი სრულ მზადყოფნას გამოთქვამდა, მაგრამ ეს კითხვა ალბათ უფრო კულტურული მემკვიდრეობის დაცვის სააგენტოსთან უნდა დაისვას. საბოლოო ჯამში თანხა როგორ გადანაწილებულიყო ეს ქართულმა მხარემ გადაწყვიტა და პრიორიტეტები ასე განისაზღვრა. რატომღაც პირველ ეტაპზე პრიორიტეტებში მირზაანის მუზეუმი ვერ მოხვდა, თუმცა გვიპირდებიან, რომ შემდეგ ეტაპზე სიაში აუცილებლად შევა. მინდა ვითხრათ, რომ კულტურის მინისტრი ნიკა რურუა ამ პრობლემით ძალიან დაინტერესდა მირზაანის მდგომარეობით, თუ რატომ არ ხდება, თუ ვერ ხდება ამ კომპლექსის შეტანა რეაბილიტაციის ნუსხაში. მინისტრი ძალიან შეწუხდა არსებული მდგომარეობით და იმით, რომ ფინანსური რესურსი არის ნაკლები, რომ მუზეუმს მოუყაროთ... ნიკა რურუა უახლოეს მომავალში მირზაანში ჩამოსვლას და არსებული ვითარების ადგილზე გაცნობას გეგმავს. ის, რომ პირველ ეტაპზე რეაბილიტაცია ვერ იწყება, ეს ქართული მხარის გადასაწყვეტი იყო. მირზაანი პირველად სიაში იყო შეტანილი, არსებობდა სრული მზაობა, თუმცა...

სრული რეაბილიტაცია იგეგმებოდა, მაგრამ ისეთი სრულიად ახალი ინ-

ფრასტრუქტურული სამუშაოები დაიგეგმა, რაც ვფიქრობ, რომ ამ ადგილს ეს საერთოდ არ სჭირდება. რეაბილიტაციის თანხა უაზროდ გაიზარდა, რამაც გამოიწვია ის, რომ პროექტს მთლიანად თავი დაანებეს. ამის დახვეწა შესაძლებელია. უნდა ამოვარდეს ზედმეტი, ძვირადღირებული დეტალები, გაურკვეველი ორნამენტები და ორლობის მოწყობა, ამ ადგილისთვის ვფიქრობ, რომ ზედმეტია. ამის გარეშეც შესანიშნავი ადგილია და პირველადი იერსახე შენარჩუნებული უნდა იყოს. ის ძირითადი სადრენაჟე სისტემა, სახლმუზეუმის ალდგენა და ძირეული სამუშაოები უნდა ჩატარდეს. მთლიანად ეს სამუშაოები რა თანხას აღწევს ვერ გეტყვით. სასტუმროს აუცილებლობა მირზაანში როგორც კი გაჩნდება, კერძო სექტორი ამას ავტომატურად უზრუნველყოფს. მთავარია ფიროსმანის ეზოში იყოს სველი ნერტილები, სუვენირების მაღაზია, გიდების მომსახურება, მათ შორის უცხოენოვანი, საინფორმაციო ცენტრი. ასევე კაფე, რომელიც დამატებითი შემოსავალი იქნება მუზეუმისთვის. მე და მსოფლიო ბანკის იურისტები ვფიქრობთ, რომ მუზეუმებს



უნდა ჰქონდეთ მმართველობის სრული დამოუკიდებლობა, რაც უკეთესად განვითარების საშუალებას მისცემს. მიგვაჩნია, რომ მუზეუმებს საჯარო სამართლის იურიდიული პირის სტატუსი უნდა ჰქონდეს, - აღნიშნავს აბესაძე.

როგორც ნიკო ფიროსმანის მუზეუმის მმართველმა ნელი გობეჯიშვილმა გაზეთ „შირაჰს“ განუცხადა, შეხვედრის ჩატარება თელავში იგეგმებოდა, თუმცა სოფელ მირზაანის გამოსაცოცხლებლად და მუზეუმის ცნობადობის კიდევ უფრო ასამაღლებლად შეხვედრის მუზეუმში გადმობრუნების შეთავაზება გააკეთა, რაზეც პროექტის ავტორები სიამოვნებით დათანხმდნენ.

ილია მარტყოფლიშვილი

# სოხობი - ქვეყნის სიმბოლო

აშშ-ს ერთ-ერთ შტატში ძველი დაუდგეს მტრედს. ძველს, როგორც წესი, ადამიანი გარდაცვლილებს უდგამს. ამ შემთხვევაშიც ასე იყო — ჯერ გაანადგურეს, ამოხოცეს მელიონობით ველური მტრედი, და მერე ძველი დაუდგეს, თითქოს ცოდვის გამოსასყიდად...

თუ მტრედი ამერიკის სიმბოლოდ იქცა, წერო - იაპონიის, ფარშევანგი — ინდოეთის, საქართველოს ნაციონალური ფრინველი უდავოდ სოხობია. — ასეთია მისი სამეცნიერო დასახელება, რომელიც ძველმა ბერძნებმა შეარქვეს, მას შემდეგ რაც ეს ფრინველი საქართველოში პირველად იხილეს.

ყველა ქართველმა კარგად იცის, რომ ამ ფრინველთანაა დაკავშირებული თვით საქართველოს დედაქალაქის თბილისის წარმოშობის ლაგენდაც. ამას ხელი არ შეუშლია ჩვენთვის — ქართველებისათვის, უმოწყალოდ, მეთოდურად გაგვენადგურებინა ეს ულამაზესი ფრინველი ინტენსიური ნადირობით, ბრაკონიერობით და სოხ-

ბის საბინადრო გარემოს ათვისებით. გასული საუკუნის მანძილზე, ჯერ კიდევ 1920-30 იან წლებში აღმოსავლეთ



საქართველოზე რომ არაფერი ვთქვათ, სოხობი ფართოდ იყო გავრცელებული

დასავლეთ საქართველოში. მოხუცებს დღესაც ახსოვთ, რომ ეს პოპულაცია იმდენი იყო, რომ სამეგრელოს მდინარეების პირა სოფლებში ისინი ღამით ეზოებში აკაცის ხეებზე სხდებოდნენ, შინაური ქათმების გვერდით.

დღეს სოხობის მცირე პოპულაცია შენარჩუნებულია და უკვე ზრდაც კი დაიწყო ივრის ქალაში, ვაშლოვანში, შავი მთის ტერიტორიაზე, მილარში. მისასაღებებელია „კოლხური სოხობის საშენი ცენტრის“ შექმნა ვაშლოვანის დაცული ტერიტორიების ადმინისტრაციისა და ვაშლოვანის

დაცული ტერიტორიების მეგობართა ასოციაციის პარტნიორული პროექტის ფარგლებში.

შორს ვართ იმ აზრისაგან, რომ სხვა ენდემური ჯიშის ცხოველის, ფრინველისა თუ მცენარის დაცვა-გამრავლებას ნაკლები ყურადღება მიექცეს და პრიორიტეტული მხოლოდ კოლხური სოხობის აღდგენა გავხადოთ, მაგრამ ამ სახეობის აღდგენის საქმეში აუცილებელია სახელმწიფოს ჩარევა. მხოლოდ თბილისის გერბზე მისი გამოსახვა საკმარისი არ არის.

ამასობაში თბილისელ მონადირეებს შორის გავრცელდა ხმები, რომ დედაქალაქელებისათვის წარსულში ასე პოპულარულ ბოტანიკურ ბაღში ვილაცას სოხობი უნახავს. ეს ახალი ლეგენდაა, თუ სურვილი დაუბრუნოთ თბილისს სოხობი? ვინ იცის. თუმცა, ყველაფერი ახალი ხომ კარგად დავიწყებულ იქნა. მითუმეტეს, რომ ასეთი ლეგენდა დიდი ხანია არსებობს.

მიხაილ მღაბრიშვილი



# დედოფლისწყაროდან - ლონდონამდე

დედოფლისწყაროს №2 საჯარო სკოლის მათემატიკის მასწავლებელი სოფიო მენტეშავი იმდროინდელი ინგლისური ენის საზაფხულო სკოლა „ბაქსევილი“-ს შვიდდღიანი ლონდონის საზაფხულო სკოლაში გააგრძელა სწავლა. თუ რა საზაფხულო გავლა მოუწია მას ამ სკოლაში მოსახვედრად, ამის შესახებ ის თავად გვსაუბრება:



„ეროვნულ სასწავლო ოლიმპიადაში ქართული ენისა და ლიტერატურის ტურში მივიღე მონაწილეობა. ოლიმპიადის დაწყებამდე მონაწილე ბავშვებს დაგვირგეს ანკეტები, რომლებიც ინგლისურ ენაზე უნდა შეგვევსო. მეც მათ შორის ვიყავი. ვერ გეტყვით, რა კრიტიკით მოხდა ბავშვების შერჩევა, მაგრამ მე წყნეთის საზაფხულო ბანაკში სამი ხალისიანი და ნაყოფიერი კვირა გაატარე. პირველ ნაკადში 150 ბავშვი ვიყავით, გვყავდნენ უცხოელი ლიდერები და ქართველი პედაგოგები. ყველანი ინგლისურ ენაზე ვურთიერთობდით, ტარდებოდა ინტელექტუალური თამაშები, სპორტული შეჯიბრებები და სხვადასხვა კონკურსები. ე. წ. ტალანტი — შოუც

ჩვენი დოსიე: საზაფხულო სკოლა „ბაქსევილის“ პროგრამის ღონისძიებათა ნაწილი სპეციალურად იქნა შემუშავებული, რათა მოსწავლეებმა ისწავლონ ერთად მუშაობა სხვადასხვა ჯგუფებში ან ერთ გუნდში. გუნდური მუშაობა, ერთმანეთისგან სწავლა და გართობა ცხოვრების განუყოფელი ნაწილია და სად შეიძლება ყოველივე ამის განცდა, თუ არა საზაფხულო ბანაკებში? დიდი ბრიტანეთიდან ჩამოსული ლიდერები მოზარდებს რამდენიმე კვირის განმავლობაში ასწავლიან არა მარტო ინგლისურ ენას, დიდი ბრიტანეთის ისტორიას, კულტურას, არამედ მათთან ერთად აწყობენ ექსკურსიებს, ემბებიან სპორტულ ღონისძიებებში, ინტელექტუალურ თამაშებში...

გაიმართა, სადაც თითოეული ჩვენგანმა თავისი შესაძლებლობები გამოავლინა. ბავშვებს შორის იყო ჯანსაღი კონკურენცია. — მაინც რა მოგცა „ბაქსევილის“ საზაფხულო სკოლაში გატარებულმა სამმა კვირამ? — ვეკითხები. „გარდა იმისა, რომ საზაფხულო სკოლაში გატარებული დღეები ინგლისური ენის გაღრმავებაში დამეხმარა, აქ შევიძინე უა-



მრავი მეგობარი, და კიდევ, როდესაც ხედავ, რომ ლირსეული კონკურენტები გყავს, ეს საკუთარი თავისად და შესაძლებლობებისადმი რწმენის განმტკიცებაში გეხმარება“ — მეუბნება სოფიო მენტეშავი, რომელიც სკოლაში ერთ-ერთი საუკეთესო მოსწავლეა. სწორედ სოფოს ნიჭიერებამ და კარგმა ადამიანობამ განაპირობა მისი

გამარჯვება. საზაფხულო სკოლის უცხოელი ლიდერები მთელი ამ ხნის განმავლობაში აკვირდებოდნენ ბავშვებს, აფასებდნენ როგორც ინგლისური ენის ცოდნის დონეს, ასევე მათ პიროვნულ თვისებებსაც. ბოლოს გადაწყვეტილებაც მიიღეს — 150 ბავშვიდან სოფო იმ 8 მოსწავლეს შორის მოხვდა, რომელთაც ლონდონის საზაფხულო ბანაკის საგზურები ხვდათ წილად. სოფო ლონდონში 5 აგვისტოს გაემგზავრება. წარმატებებს და ზურგის ქარს ვუსურვებთ მას.

ინგა შიოლაშვილი

## სოფია და შრომისმოყვარეობა - ნარმატების სანიღარი

კვირა დღე იყო. ტელეფონზე ნაცნობმა ქალბატონმა დამირეკა და მთხოვა, დღეს სერონა მასწავლებელს 88 წელი უსრულდება, იქნებ მობრძანდეთ და თქვენს რუბრიკაში „პორტრეტები“ მის შესახებ მკითხველს მოუყვითო. შევხუდი, რადგან მეც სტუმრები მყავდა და ბოდიში მოვუხადე, ზემო მაჩხაანში წამოსვლა არ შემიძლია. მეთქი. თანაც, უკვე შუადღე იყო და ტრანსპორტიც არ მქონდა. მერე რომ დავეფიქრდი, უკეთესი იდეა გამიჩნდა: რატომ მხოლოდ სერონა მასწავლებელი, განა მისმა დებმა — ნინომ და იზოლდამ ნაკლებად საინტერესო გზა გაწვდეს?! იმ დროს, როცა სოფლის მოსახლეობის დიდი ნაწილი უმაღლესი განათლების მიღებაზე ნაკლებად ორიენტირებული იყო, ერთი ოჯახის სამმა ქალიშვილმა წარჩინებით ისწავლა, საუკეთესო სპეციალისტებიც გამოვიდნენ და ცხოვრების საინტერესო გზაც გაიარეს.

ხუთი ქალიშვილი ეყოლა ზემო-მაჩხაანელ სტეფანე (სტეპკო) ბოსტოლანაშვილს და ჯუჯუანზე ანა მატიაშვილს, მაგრამ მაშინდელი დაბალი სოციალური პირობების გამო, ერთი გოგონა ჩვილობაშივე გარდაეცვა. ანა, მეორემ კი — ოთხი წლის ზინამ შემთხვევით ჩაიხიდან მღელარე წყალი მოსვა და... მაშინ ზემო მაჩხაანს ექიმი არ ჰყავდა, ვიდრე გოგონა ქვემო მაჩხაანში ჩაიყვანეს, ვიდრე ექიმი მოიძიეს, უკვე დაავადებული იყო. ცოლ-ქმარი შრომობდა, თავს არ ზოგავდა, რომ შვილებს ცხოვრების წინაპირობები უზრუნველყვნენ. სტეფანე კოლმეურნეობაში მეცხვარეობის იმ ბრიგადას ხელმძღვანელობდა, რომელიც მოსახლეობის კერძო ცხვარი იყო გაერთიანებული დახმ, მაშინ კერძო საკუთრების ასეთი „მოსახერხებელი“ ფორმაც არსებობდა, კოლმეურნეობის თავმჯდომარეს ყველაფერი უნდა სცოდნოდა! კარგი მეცხვარე და მცნობი იყო ბრიგადის სარქლოათას ცხვარში გამოიყენებოდა, რომელი ბატკანი რომელ დედა ცხვარს

დაეძებდა. შრომობდნენ და შვილების უკეთეს მომავალზე ოცნებობდნენ. არც გოგონები უცრუებდნენ იმდეს. ნიჭიერებასთან ერთად შრომისმოყვარეობითაც გამოირჩეოდნენ, სამივე საუკეთესო მოსწავლე იყო. თუმცა, მოდიოთ, მივყვით თითოეულის ცხოვრებას ცალ-ცალკე. სერონა უფროსი ქალიშვილი გახლდათ. სახელი ბიკოლამ მურჩია და მთელი ცხოვრება ემდურა, თავის შვილს ქეთევანი დაარქვა და რაღა მე მინოდა სერონაო. არადა, სახელს არა აქვს დიდი მნიშვნელობა, მთავარია, როგორ სახელს მოიპოვებ ცხოვრებაში. სერონამ კი კარგი ქალის, კარგი ადამიანის და კარგი სპეციალისტის სახელით იცხოვრა 88 წელი. არასრული საშუალო სკოლა ქვემო მაჩხაანში წარჩინებით დაამთავრა და სწავლა გააგრძელა სიღნაღის პედაგოგიურ სასწავლებელში, რომლის სახელიც ქუხდა რესპუბლიკაში. ამ სასწავლებლის უკრძამთავრებულესაც სიაზონებში იღებდნენ უნივერსიტეტსა თუ ინსტიტუტებში. ყველა საგანს საუკეთესოდ სწავლობდა, მაგრამ მათემატიკა მაინც ძალიან უყვარდა და ეხერხებოდა კიდევ ამიტომაც, მათემატიკის ლექტორმა ხელი მოკიდა და უნივერსიტეტში წაიყვანა. იქაც „აცნობა თავი“ სულყველას, ფაკულტეტის დეკანი, შემდგომში უნივერსიტეტის რექტორი და ცნობილი მეცნიერი, ილია ვეკუა, აღტაცებული იყო მისი შესაძლებლობებით და აფასებდა კიდევ. 1946 წელს დაამთავრა უნივერსიტეტის მათემატიკის ფაკულტეტი და 22 წლის ახალგაზრდა, რომელსაც სამეცნიერო კარიერისთვის ყველა პირობა ჰქონდა, მშობლიურ სოფელს დაუბრუნდა. ამ დროს ზემო მაჩხაანს უკვე ჰქონდა საშუალო სკოლა და სერონამ მათემატიკის მასწავლებლად დაინიშნა მუშაობა. მერე საქმემ მოიტანა და ჯერ ქვემო მაჩხაანში, მერე კი სწორედ N3 საშუალო სკოლაში, ათეული წლების განმავლობაში მუშაობ-

და ჯერ დირექტორის მოადგილედ სასწავლო-აღმზრდელით დარგში, მერე კი დირექტორად. საუკეთესო პედაგოგის და ორგანიზატორის სახელი ჰქონდა სერონა მასწავლებელს, მისი ხათრი და პატივისცემა ჰქონდა თითოეულ მასწავლებელსა თუ მოსწავლეს, მის სიტყვას დიდი ფასი განათლების განყოფილებასა თუ სამინისტროში, არ იფიქნებდნენ მისი თაობის მეცნიერ-მათემატიკოსები. სერონა მთელი არსებით იყო ჩართული შრომაში. მათემატიკასთან ერთად ქალის ხელსაქმეც - ქარგვა, ქსოვა და კერვა კარგად გამოსდებოდა. ჯერ კიდევ პატარა იყო, მეზობლების და ახლობლების ბავშვებს და მოხუცებს ტანსაცმელს და თეთრულს რომ უკერავდა და წინდებს უქსოვდა (მაშინ სად იყო ამდენი შხა ტანსაცმელი, თითო-ორილა მეტერი ფართალის საყიდლად ხალხი დიდხანს - დღემდე იდგა რიგში). სულ მუდამ სხვებზე მოფიქრალა და მზრუნველს თავისი პირადი ცხოვრება არც კი ახსოვდა, თანაც წუწია იყო და... წლები კი მიდიოდა. მაგრამ ბედისწერა ისეთი რამ არის, სასწაულებს ახდენს. იმიდან მოზრუნებულ თანასოფელ გიორგი ნატროშვილს გული შეუვარდა სერონაზე, მაგრამ ამაოდ, ქალი გათხოვებას სულ არ აპირებდა. მერე გიორგიმ ოჯახი შექმნა, ავტოინჟინერი გახლდათ და ბათუმში მუშაობდა. ქალ-ვაჟი შეეძინა. ლირსეული ოჯახი ჰქონდა. კარგი განათლება მისცა შვილებს. პაპის მოსახელე ვაჟი ამჟამად სანკუმეტერბურგში ცხოვრობს, ერთი ვაჟი ჰყავს, ქალიშვილი კი ექიმა, ჩოხატაურმა გათხოვილი და ექსი შვილის დედაა. ათეული წლები ტექნიკურ ცხოვრებაში გიორგიმ მუდამ ცხოვრობდა და დაუღესთან ერთად, მაგრამ სიკვდილს წინ ვერავინ დაუდგება და დაქვრივებული გიორგი სოფელს დაუბრუნდა. ძველი გარემო ძველი, მიძინებული გრძნობები გააღვიძა, მინავლული სიყვარული გააღვიძა, (სიყვარული ხომ არ ბერდება!) მერე კი სოფელში ხმა

გავარდა: - „სერონა მოიტაცესო!“ არა, გიორგიმ კი არა, მისმა შვილებმა მამას სურვილი აუსრულეს. მშვენივრად შეეწყნენ ერთმანეთს, „მაგრამ ხანგრძლივად ეს სოფელი გაახარებს ვინმეს განა?!“, და მათი ჰარმონიული ცხოვრება ისევ სიკვდილმა დაანგრია. გიორგის გარდაცვალების შემდეგ სერონამ კარგა ხანს უერთგულა მის კერას, შეიღებოდა ურთიერთობაშიც არაფერი შეცვლილა, მაგრამ მშობლიური სახლ-კარიც პატრონს სახლში დაბრუნდა და მუდმივ საცხოვრებლად, თუმცა, გიორგის ბინასაც მიხედვს ხოლმე. ასაკის მოხუცდავად ის მხნედ არის, თავის ეზო-გარემოში ფუსფუსებს, თავის თავს უფლის, სხვებს არ აწუხებს და ღმერთს იმას ევედრება (როგორც ყველა ადამიანი), სხვის ხელში შემხედვარე ნუ გახდება, ისე გადავიდეს მარადილ სოფელში. ნინო, იზიმა ნუსა პოსტოლანაშვილი თავისი მშობლების მეორე ქალიშვილი გახლავით. იგი 1928 წლის იანვარში დაიბადა. 7 კლასის დამთავრების შემდეგ მანაც სიღნაღის პედაგოგიურს მიაშურა. უფროსი დის სახელი და დამსახურება არ შეურყენებელი და მათაყობა სწავლობდა. — ყველაზე თიფი ჩემს ცოდნასა და პიროვნებად ჩამოყალიბებაში ამ სასწავლებელმა ითამაშა, ძალიან ძლიერი პედაგოგები გვყავდნენ, დირექტორი წერეთელი ხომ შეუდარებელი იყო. აქ არამარტო ცოდნას, არამედ ადამიანურ ურთიერთობებსაც გვახსნავდნენ, — გვეუბნება. სასწავლებლის დამთავრების შემდეგ, დედის დაუინებელი თხოვნით, სამედიცინო ინსტიტუტში მიაბარა. გამსვლელი ქულები კი მოაგროვა, მაგრამ მეორე მსოფლიო ომი ახალი დამთავრებული იყო, ქვეყანა ექიმი ამბაკაცების ნაკლებობას განიცდიდა. ამიტომ, ამ ქულებით მხოლოდ ვაჟები ჩარიცხეს, გოგონები კი სხვადასხვა უმაღლეს სასწავლებლებში გადაინაწილეს. ასე მოხდა ის უნივერსიტეტი ფილოლოგიის ფაკულტეტი,

რომელიც წარმატებით დაამთავრა 1950 წელს. ტიბაანის საშუალო სკოლაში გაანაწილეს. 16 წელი იმუშავა, აქედან 14 წელი დირექტორის მოადგილედ დაეკავა. სკოლა ფეხზე დარგა. მერე, როცა წითელწყარო ჯერ შეუერთეს და 1966 წელს ისევ გამოყვეს სიღნაღის რაიონიდან, წინომ მშობლიურ რაიონში გადმოყვანა ითხოვა. მისი დიდი უარის და წინააღმდეგობის მიუხედავად, მაშინდელმა რაიონის მდიანამ ამირან გონაშვილმა ზემო ქედის სკოლის დირექტორად გაგზავნა დავალებით: სკოლა ფეხზე დააყენო! 3 წელი იმუშავა, ბევრი რამ გააკეთა, შრომის კაბინეტი მოაწყო, წყალი შეიყვანა, მატერიალურ-ტექნიკური ბაზა გაამდიდრა, დისციპლინა განამტკიცა... მესერის შემოვლება დავიწყე, ცოტა დამრჩა, ვერ დავამთავრე და დღესაც ისევ ისე არის დარჩენილი, — სიცოლით ამბობს. მერე საზოგადოება „ცოდნის“ პასუხისმგებელ მდიანად გადმოიყვანეს რაიონში. მალევე რაიონის აკტივია-პროპაგანდის განყოფილების გამგედ დაინიშნა. — არასოდეს ვყოფილვარ განდიდების მანიით შეტყობილი და თანამდებობის მამიებელი, ჩემი პროფესიით მუშაობა და სიმშვიდე მერჩია, არ მიყვარდა ადმინისტრაციული ურთიერთობები, ვილაცის დასჯა-დამონება, იქნება, სწორედ ამიტომაც გადამიყვანეს განათლების განყოფილების გამგედ. განათლების სისტემა რთული და ფაქიზი საშუალოა. საქმეც ბევრი იყო როგორც სკოლებში, ასევე საბავშვო ბაგებსა და ბალებში. კოლმეურნეობები სოფლებში ძალიან გვედგნენ მხარში. როცა რამე საქმის ჩვენი (გაგრძელება გვც)



# სოდნა და შრომისმოყვარეობა - ნარმატების სანინდარი

**(დასასრული)**  
სასარგებლოდ დამთავრება მეექვსე-ბოდა, ჩვენს სახელოვან თავმჯდომარეებს: ნიკო მამიაშვილს, არსენ კობახიძეს, ნიკო ყოჩიაშვილს, ვანო ფიროსნმანაშვილს (სოციალისტური შრომის გმირის ორდენის მკერდზე დაკვიდრებული და როგორც ავტორიტეტებს, თან წავიყვანდი - ხოლმე სამინისტროებში. აი, მაშინ გამოუსვლელი საქმე უკვე აღარ არსებობდა. ასე გავაფართოვეთ სკოლის შენობები, ავაშენეთ ახალი საბავშვო ბაღების ტიპური შენობები, შევუძინეთ ბაღებს პიანინოები, დგამ-ავეჯი, შემეცნებითი თუ გასართობი სათამაშოები და ვინ მოთვლის, უამრავი რამ, - ისტეებს ქალბატონი ნინო იმ "უძრავობის" ხანას.

ხუთი წელი იმუშავა ამ თანამდებობაზე, მერე არბოძიკის საშუალო სკოლის დირექტორად გადაიყვანეს. სკოლა, ფაქტობრივად, დანგრეული იყო. პირველ რიგში ამ პრობლემას უნდა შეჭიდებოდა. შეადგინა სკოლის ტექნიკური დოკუმენტაცია, სამუშაო გეგმა და როცა მინისტრთა საბჭოს თავმჯდომარის მოადგილე ნოდარ ჭითანავა რაიონის ხელმძღვანელ მუშაკებს ხედებოდა, ნერილი მისწერა, მომეხმარეთ სამინისტროში გეგმის დამტკიცებაში. გაუმართლა. სკოლის არსებული ნაწილი გაარემონტეს და ახალი კორპუსიც აიშენეს. ხუთი წელიც ამ სკოლის აწყობას შეაღია, მერე პედაგოგად გადავიდა. პენსიის დანიშვნასთან ერთად ქვეყნის დამოუკიდებლობაც მოვიდა და რთული, გარდაამავალი წლები დაიწყო.

იმ მძიმე პერიოდში არ მეთაკილებოდა თოხით და ბარით ხელში, ფეხით ნავსოფელს ქალაქგარეთ, ნათხოვარ მინაზე მომიტყუანა ჩემი სამყოფი კარტოფილი თუ ლობიო, ნიორი თუ ხახვი, ბოსტნეული და მწვანე ხაჭაპური. ვმომოხდით და წლის სარჩო მუდამ მქონდა. როგორც მარტოხელას, შემწეობა მქონდა დანიშნული, მაგრამ იმის გამო, რომ, მაგ-თეთრი ტელევიზორი ახლობლის დახმარებით ფერადი შევცვალე, ის შემწეობა მომიხსნეს. ხომ არის ეს უსამართლობა? ჰოდა, პირველობა და მოტივებლობა რომ არ შემოძლია, სიმართლეს რომ ვამბობ და ჩემს აზრებს შეულამაზებლად გადმოვცემ, „ზვიადისტიც“ კი შემარქვეს. რა მუშაა ზვიადისტობა, მე ზვიადის დადებითსაც კარგად ვხედავდი და უარყოფითსაც. მე და ლანა ლობოზერიძე ერთად ვსწავლობდით უნივერსიტეტში, მაგრამ, როცა ლანამ უკადრებელი რამები იკადრა, საზოგადოების მისამართით უბოძიძოდ ვაკრიტიკებდი და არ მოვრიდებოდი. სიმართლის თქმა ჩემში „აულებელი სიმარტა“, სხვანაირად არ შემოძლია, თუმცა, ძალიან კარგად ვიცი, რომ „ზოგჯერ თქმა სჯობს არათქმასა, ზოგჯერ თქმითაც დაშავდები“ — გულახდილად ახასიათებს თავის თავს ნინო მასწავლებელი.

**მერე ფასანი სკოლა „ბენაური გაიხსნა“ და დირექტორმა ცაცა ბენაშვილმა ქართული ენისა და ლიტერატურის მასწავლებლად მიიწვიათ. ადამიანი, რომელმაც მთელი ცხოვრება სახელმწიფო სკოლაში გაატარა, როგორ შეეფუთა კერძო სასწავლებელს?**

- არა, სულაც არ გამჭირვებია. მთავარია, საგანი იცოდე საფუძვლიანად, რომ მოსწვევ დაინტერესოს. მე მივხვდი, რომ მომავალი კერძო სკოლისაა. როცა კლასში რამდენიმე ბავშვი გიზის (კანონი 14-ზე მეტი არ შეიძლება), შენც მობილიზებული ხარ და ბავშვიც, ის უკეთეს ცოდნას იძენს და რეპეტიტორიც აღარ სჭირდება. რეპეტიტორების წინააღმდეგ ბრძოლის გზა სწორედ კერძო სკოლების მომრავლებაა, მაგრამ ცხოვრების დღევანდელი დაბალი მოცულობით ფონი ხელს უშლის ისიც განვიხილოთ. აქვე არ შემოძლია არ შევეხო მშობლის პასუხისმგებლობის საკითხს. ძალიან დიდი მნიშვნელობა აქვს, თუ მშობელი როგორ კონტროლს ახორციე-

ლებს ბავშვის სასწავლო პროცესზე და დღის რეჟიმზე. დღეს მშობლებში ეს პასუხისმგებლობა მოისუსტება. ცუდი არ იყო, საბჭოთა სკოლას ბავშვის აღზრდა-განვითარების სამკუთხედი რომ ჰქონდა-მასწავლებელი, მშობელი, საზოგადოება. ახლა ამას ეკლესია და მანდატურიც შეიძლება დაეწესებოდეს. ყველამ ერთად უნდა იმუშაოს მისწავლის ნებისყოფის, მტკიცე ზნეობრივი თვისებების ჩამოსაყალიბებლად და ცოდნის მაღალი დონის მისაღწევად.

**- მანდატური ახსენეთ, ეს საბჭოთა სკოლისგან სრულიად განსხვავებული რეჟიმი. როგორ ფიქრობთ, საჭიროა დღეს სკოლაში მანდატური?**

- იყო დრო, როცა სკოლის ეზოში შესულ მასწავლებელს რიგში ჩამდგარი ბავშვები, დიდებიც და პატარებიც, მოკრძალებით ესალმებოდნენ.

ვინ გადაუსწრებდა მასწავლებელს, სკოლის დერეფანში დირექტორის გამოჩენაზე ბუზის გაფრენის ხმა ისმოდა, მორიგე მასწავლებელი სრულ ნესრიგს ამყარებდა სკოლის შენობაშიც და ეზოშიც, მაგრამ ის დრო წარსულს ჩაბარდა, ახლა სულ სხვა თაობები მოვიდნენ, სხვა მენტალიტეტი, სხვა სილაღი, სხვა დისციპლინა. მაშინ, როცა სკოლებში გარჩევები იარაღის გამოყენებით ხდებოდა, სამეთვალყურეო კამერაც და მანდატურიც, ნამდვილად საჭიროა, მაგრამ მანდატური არ უნდა იყოს ცალკე მოთვალთვალე თვლი ყველასი და ყველაფრის, ის, ყველასთან ერთად, უნდა იბრძოდეს სკოლაში ნესრიგის დასამყარებლად, კონკრეტული ღონისძიების გასატარებლად. ასე აუცილებლად მიიღწევა შედეგი სწავლაშიც და ქცევაშიც. საბჭოთა სკოლაში ყოფაქცევა ცალკე ნიშნით ფასდებოდა, რასაც შედეგი მოჰქონდა. ყოფაქცევაში ფრიადზე დაბალი ნიშნის შემთხვევაში კლასიდან ვერ გადავიდოდა ბავშვი. ბევრი კარგი რომ ჰქონდა საბჭოთა სკოლას, მაგრამ შემდეგ საყოველთაო საშუალო განათლების სავალდებულოებამ, კლასში დაურჩენლობის მოთხოვნამ, ცუდი ზეგავლენა მოახდინა სიტყვაზე.

**- რა აზრის ბრძანებით პრეზიდენტის ინიციატივაზე უმაღლეს სასწავლებლებში საატესტატო ნიშნების მიხედვით ჩარიცხვის თაობაზე?**

- ჩემი აზრით, პრეზიდენტი ყველა დარგში სიღრმისეულად ვერ იქნება ჩახედული და არც უნდა იყოს. მისი სურვილი, ოჯახებს რეპეტიტორების ტვირთი მოხსნას, მისასაღებელია, მაგრამ, ჩემი სუბიექტური აზრით, რომ ეს რეპეტიტორობას ვერ შეამცირებს. როცა კლასიდან კლასში გადასაცემი გამოცდები დაინიშნა, გაიზარდა რეპეტიტორთა რიცხვი, ახლა ეს ინიციატივა უფრო გავრცელდა მათ რიცხვს. მე მიმაჩნია, რომ მასწავლებელთა გადამზადება, მათი ცოდნის რეალურ ამაღლებას, სწავლების ხარისხის გაზრდას და კონტროლს, სწავლების მეთოდოლოგიის დახვეწას, კლასში მოსწავლეთა რაოდენობის შემცირებას უფრო მო-

ჰყვება შედეგები. მაგალითისათვის გეტყვი, რომ ახლა ყველა საგანში მემოლეულია ტესტირება, რომელსაც ორი ფორმა აქვს. ერთი, როცა ბავშვი თავად წერს პასუხს და, მეორე, როცა მითითებული სავარაუდო პასუხებიდან არჩევს სწორ ვარიანტს. ამ უკანასკნელს შემთხვევითობის მომენტი თან ახლავს, უცოდინარმაც შეიძლება მექანიკურად სწორი პასუხი შემოხაზოს. ამიტომ ეს ჩემთვის მიუღებელია.

**- როგორ შეაფასებთ დღევანდელ თაობას, მათი განვითარების დონეს?**

ქტორი იყო შემდგომში, შემდეგ კი - პარლამენტარი. ის მხოლოდ მოსმენით იმასსოვრებდა ყველაფერს, გულდასმით უსმენდა მასწავლებელსაც და მოსწავლეებსაც და რაც გინდა გეკითხა, სწორი პასუხი მზად ჰქონდა. არასოდეს სწერდა თემას სახლში. ეს ვიცოდი და არც ვანუხებდი, ჩემთვის მთავარი შედეგი იყო. ერთხელაც, ხელი აიწია, თემა წამაკითხე. გავოცდი და ავაყენე. ხელში რეველი ეჭირა და კითხულობდა სხაპასუხით, შეუფერებლად და შეუცდომლად. როცა ვნახე, რვეული ცარიელი იყო და ის ზეპირად ჰყვებოდა ყველაფერს.

**- ოჯახი რომ არ შექმნილი, სიმარტოვის არ გემინიათ?**

- საერთოდ, სინყნარე და სიმშვიდე მიყვარს, მაგრამ ადვილია სიმარტოვე მეთქი, ვერ ვიტყვი. სიკვდილზე დრე არ ვფიქრობდი, ამ ბოლო დროს მომეძალა ეს ფიქრები, მაგრამ ასაკთან ერთად ეს ფიქრები მოვიდოდა მარტოხელასთანაც და ქმარ-შვილიანობის დროსაც. ასე, რომ დიდ სხვაობას ვერ ვხედავ. ყველაფერი კი ისე იქნება, როგორც გინერია.

ნინო ბოსტოლანაშვილი 84 წლის ასაკში კვლავ პედაგოგიურ მოღვაწეობას აგრძელებს ფასიან სკოლა „ბენაურში“.

**- ნინო მასწავლებელი ბევრ ახალგაზრდა მასწავლებელზე საინტერესო კაკვეთილებს ატარებს, მას თანამედროვეობის მაჯაზე ხელი უდევს და ყველა სახლეს ადვილად ითვისებს, ასაკის მიუხედავად, არის ენერგიული, შრომიუნარიანი, პუნქტუალური, დისციპლინირებული - ასე ახასიათებს სკოლის მენეჯერი ლალი აზარიაშვილი ქალბატონ ნინოს.**

**შესაძლებელია ქალიშვილი იწოდება პოსტმოდერნიზმში ოჯახში 1932 წელს დაიბადა. დაამთავრა ზემო მაჩხანის საშუალო სკოლა. ოქროს მედლის კანდიდატს ქართულ წერაში ერთი შეცდომის გამო სამინისტრომ მედალი დააკარგინა. ეს შეცდომა დღემდე ახსოვს. მგზავრის წერილებს მიმოიხილავდა და ფრაზაში „ილიას მიიღებდა სამშობლო, რადგან მისი სისხლი და ხორცი ედგაო“, თქვა „იყოს“ მაგიერ და ორივე მედალი დაკარგა — ოქროსიც და ვერცხლისაც, რადგან თუ ქართულ წერაში მიიღებდი ფრიადზე ნაკლებს, არანაირ ჯილდოს აღარ გაძლევენ. ასეთ მაღალ დონეზე იდგა ქართული ენის სწავლება და მისი როლი მაშინ, უწრაობის და მავნებელ პერიოდში! დედის ოცნებას ოჯახში რომელიმე ქალიშვილი ექიმი გამოსულიყო, იზოლდამ შესასა ფრთხილ. პირველივე წელს სამედიცინო ინსტიტუტის სამკურნალო ფაკულტეტზე ჩარიცხა, წარმატებით დაამთავრა და, როცა განაწილებით გროზნოს ერთერთ საწავთობო უბანზე მოხვდა, წასვლა ვერ გაბედა. აქაც სწორედ ეს გახდა მიზეზი წითელი დიპლომის დაკარგვისა.**

**- როგორ ხართ ნასვლიდან თავის დაღწევის ერთადერთი გამოსავალი გათხოვება იყო და ბედმაც არ დააყოფა. მკერაეთან „პრიმერკაზე“ მყოფი ტანწერეტა და ლამაზი ქ-**

ლიშვილი თვალში მოუვიდა ოჯახში სტუმრად მყოფ ქვემოქედელ ვანო ხუმარაშვილს და აღარც დაუნებებია თავი. ქედში გათხოვებას რა მავიჯებინებდაო, — იცინის იზოლდა. მაშინ ვანო კოლმეურნეობის თავმჯდომარის მოადგილე იყო, იზოლდამაც სოფლის ამბულატორიაში უბნის გამგედ დაიწყო მუშაობა. მერე ვანო რაიონში ცხოველთა სასაკლავოს გამგედ გადმოიყვანეს, სწორედ მან ააშენა ის უზარმაზარი ხორცკომბინატი გამარჯვებაში, რომელიც ჩვენ „თავისუფლების ეგიდით“ აგურ-აგურ დაგვიგრიეთ და ნომარ ადგილს დაგვამგავსეთ. ოჯახიც რაიონში გადმოვიდა საცხოვრებლად. იზოლდამ პოლიკლინიკაში უბნის თერაპევტად დაიწყო მუშაობა და 40 წელი ემსახურა ჩვენი ხალხის ჯანმრთელობასა და სიცოცხლეს. ბევრი უძილო ღამე ახსოვს, ბევრი შერკინება სიკვდილთან, გამარჯვებაც და მარცხით გამოწვეული ტკივილიც. ახლაც „უბნის ექიმა“, ვისაც რა გაუჭირდება, მის კარზე დგას, ისიც თავის ცოდნას და გამოცდილებას უშურველად ახმარს მეზობლებს, ნაცნობ-მეგობრებს. ოჯახის მართვაში ეხმარება შეილსა და რძალს.

**- იმდენი მასსოვს მათემატიკასა და სხვა საგნებშიც, რომ ჩემს მეცხრეკლასელ შვილსშვილს ანას საჭიროებისას ვეხმარები ხოლმე. მაია მუშაობს, პაატაც დაკავებულია, მე კი ყველანაირად ვცდილობ, მზარე დაეუდგე მათ.**

პაატა ხუმარაშვილს, დღეს უკვე მამა პეტრეს, მთელი რაიონი იცნობს, როგორც ნესიერ, პატოსან, განონასწორებულ და განათლებულ პიროვნებას. იგი 1957 წელს დაიბადა, დაამთავრა ნითელწყაროს რუსული საშუალო სკოლა, მერე სასოფლო-სამეურნეო ინსტიტუტის სატყეო-საინჟინრო ფაკულტეტი, მისიანა საჯარო მოღვაწეობის სამსახური და მუშაობა დაიწყო ვაშლოვანის სახელმწიფო ნაკრძალში მეცნიერ მუშაკად. მერე ნაკრძალის და სატყეო მეურნეობის გაერთიანებული დირექტორი იყო ათეული წლების განმავლობაში, ბევრი რამ გაკეთდა მისი ხელით როგორც ნაკრძალის ტერიტორიაზე, ისე ოფისში. თანამედროვე იერ-სახე მიეცა ყველაფერს, აშენდა ბუნებლოები, გაიხსნა ახალი სამარშრუტო პუნქტები და ბევრი სხვა რამ, ეს კი სულ პაატა ხუმარაშვილის და მისი გუნდის შრომის ნაყოფია, მაგრამ მოხდა ისე, რომ პაატამ სასულეიერო ცხოვრება აირჩია, ის დღეს ქ. დედოფლისწყაროს ღვთისმშობლის შობის სამლოცველო სახლის მღვდელია. უყვარს თავის მრევლს კეთილშობილი და გასწავლული მოძღვარი. არც აქ აკლებს თავის ხელს მამა პეტრე სასიკეთო საქმეებს — სამლოცველო სახლის შეკეთება აქვს გადაწყვეტილი და ამისათვის სახსრების მოძიებას იწყებს.

**იზოლდას ქალიშვილი მაია 1961 წელს დაიბადა, ნითელწყაროს ქართული საშუალო სკოლა ოქროს მედალზე დაამთავრა და დედის კვალს გაჰყვა — თბილისის სამედიცინო ინსტიტუტის სამკურნალო ფაკულტეტის დამთავრების შემდეგ ნითელწყაროს სისხლის გადასმის კაბინეტის გამგედ მუშაობდა. მერე ოჯახი შექმნა და თბილისში გადავიდა საცხოვრებლად, რადგან მეუღლე იქ მუშაობდა. ორი ვაჟი ჰყავს — გიორგი და ნიკოლოზი. მათ შორის ერთი დაქორწინებულია და მაია პატარა მარიამის ბებია გახლავთ.**

იზოლდა ექიმის ოჯახი უფლის რწმენით და წყალობით ცხოვრობს. ისინი სამაგალითონი არიან საზოგადოებისათვის.

საერთოდ კი სამივე დას ძალიან უყვარს ერთმანეთი, ზრუნავენ და აგრძელებენ ოჯახის ტრადიციას, სადაც ურთიერთსიყვარული იყო ყველაფრის გვირგვინი. მათ, სამივემ ცხოვრების საინტერესო გზა გაიარა და მოიპოვა ავტორიტეტი, რომლის ფასიც არანაირი მატერიალური ქონება არ არის.





# წინასწარმეტყველი ელია თეზბიტელი

2 აგვისტო დედოფლისწყაროელი მრევლისთვის განსაკუთრებული დღეა. ელია წინასწარმეტყველის ხსენების დღეს ყველა უდიდესი სიხარულით ხვდება.

წინასწარმეტყველი ელია - ერთ-ერთი უდიდესი წინასწარმეტყველი - ლევიტელთა ტომიდან აღმოცენდა ქრისტეს შობამდე ცხრაასზე მეტი წლის წინ. ნეტარის ზედწოდება - თეზბიტელი მისი მშობლიური ქალაქის, თეზბას სახელიდან მომდინარეობს (ეს ქალაქი, ერთი ვარაუდით, გალილეაში მდებარეობდა, სხვა მოსაზრებით კი - მდინარე იორდანეს მახლობლად, გალაადის ქვეყანაში). ეპიფანე კვიპრელის ცნობით, როცა ელია დაიბადა, მისმა მამამ იდუმალი ჩვენება იხილა: კეთილსახიერი ჭაბუკები ცეცხლის ალში ხვევდნენ ახალშობილს და ცეცხლით კვებავდნენ.

ელიამ სიყმნვილიდანვე ღმერთს უძღვნა თავი - უდაბნოში განმარტოვდა და მკაცრ მარხვაში, ლოცვასა და ღვთის განგებულებაზე ფიქრში ატარებდა დღეებს. უფალმა მას საწინასწარმეტყველო მსახურებისათვის უსჯულო მეფე აქაბის ზეობისას მოუწოდა. ამ დროისთვის ისრაელი უსჯულოებაში იყო ჩაძირული: ხალხმა ზურგი აქცია სჯულს და კერპებს მოუდრიკა ქედი. კერპთმსახურების განსაკუთრებით ერთგული დამცველი იყო მეფე აქაბის მეუღლე, წარმართი იეზაბელი, რომელმაც თავისი მეუღლე ბაალის სამსხვერპლოს აგებაზე დაიყოლია. თავისი ერის გარყვნიდა და გადაგვარებით თავზარდაცემული ელია აქაბის წინაშე წარდგა, ამხილა მისი უსჯულოება და სინანულისა და ჭკუშარიტ ღმერთთან მიბრუნებისკენ მოუწოდა. წინასწარმეტყველმა მას განუცხადა, რომ ღმერთთან დადებული ალთქმის დარღვევისათვის ისრაელს სასჯელად თავს დაატყდებოდა გვალვა და შიმშილობა, რომელიც მხოლოდ ელიას ლოცვით შეწყდებოდა. ელიას სიტყვები აღსრულდა: ცა შეიკრა, გამხმარი მიწა ნაყოფს არ იძლეოდა, ხალხი საშინლად იტანჯებოდა... უფალმა ელიას

უბრძანა, წასულიყო „ნაღვარევისა მას ქორათისასა, რომელ არს პირისპირ იორდანესა“. აქ ელიას დღეში ორჯერ, დილა-სალამოს ყორნები უზიდავდნენ საკვებს. როცა ხანგრძლივი გვალვის გამო წყარო ქორათშიც დაშრა, წინასწარმეტყველმა ღვთის ბრძანებით სიდონის მახლობლად მდებარე სოფელ სარეფთას მიაშურა. აქ იგი ერთი ქვრივი დედაკაცის სახლში დაბინავდა, რომელსაც ელიას იქ ყოფნისას სასწაულებრივად არ ელეოდა ფქვილი და ზეთი. ამ დროს სარეფთელი ქვრივის ერთადერთი შვილი დასწულდა და და გარდაიცვალა. წინასწარმეტყველმა ლოცვის ძალით მკვდრეთით აღადგინა ყრმა და დედას დაუბრუნა.

სამწლიანი გვალვის შემდეგ, როცა შიმშილობამ უკიდურეს მიაღწია, ელია სასაფრის აბადიან ერთად საქონლისთვის საძივრების საძებნელად გამოსული მეფე აქაბის წინაშე წარდგა. ცრურწმენით შეპყრობილმა აქაბმა მასში უბედურების მომტანი ადამიანი დაინახა და უთხრა: „შენ ხარ ამრლუე ისრაელისა?“ „არა მე, არამედ შენ და სახლი მამისა შენისა, რამეთუ დაუტევეთ უფალი ღმერთი თქუენი და შეუდევით კვალსა ბაალისასა“, - უპასუხა წინასწარმეტყველმა და სთხოვა, ისრაელში მცხოვრები ხალხი და ბაალის ქურუმები, რომლებიც იეზაბელის განსაკუთრებული მფარველობის ქვეშ იმყოფებოდნენ, კარმილის მთაზე შეეკრიბა. აქაბი დათანხმდა და დათქმულ დღეს

კარმილის მთაზე რვაასორმოცდათმა ქურუმმა მოიყარა თავი. ელიამ მათ შესთავაზა, თანაბარ პირობებში (სამსხვერპლოზე ცეცხლის დაუნთებლად) შეენირათ მსხვერპლი თავიანთი ღმერთებისათვის. ამოდ დარბოდნენ დილიდან საღამომდე სამსხვერპლოს გარშემო ქურუმები და ევედრებოდნენ ბაალს ცეცხლის მოვლინებას: „მალაღრე უხმეთ, რამეთუ ღმერთი არს: ანუ თუ განცხრებოდეს რასამე, ანუ არა რამე სცალდეს, ანუ ეძინოს და ადგეს“, - ეუბნებოდა მათ ელია. საღამოს თავად წინასწარმეტყველმა

არს ღმერთი!“ (3 მეფ. 18.39) და ქურუმები, როგორც ერის გამრყენელები, კიშონის ნაღვარევიან ჩახოცა. ამის შემდეგ წინასწარმეტყველმა მეფეს მიმართა: „აღდეგ, ჭამე და სუ, რამეთუ ხმა ბგერისა წვიმისა არს“ (3 მეფ. 18.41); ცა ღრუბლებით დაიფარა და ძლიერი წვიმა წამოვიდა. მეფე აქაბმაც ადიდა ღმერთი და შეინანა უსჯულოება, მაგრამ მეფის სინანული ხანმოკლე აღმოჩნდა. როცა მან თავის მეუღლეს უამბო მომხდარის შესახებ, იეზაბელი საშინლად განრისხდა და ელიას სიკვდილით დასჯა ბრძანა: უფლის რჩეულის დევნა განახლდა. წინასწარმეტყველმა ღმერთს იუდეის სამეფოს, ქალაქ ბერსაბეს მიაშურა, შემდეგ კი არაბეთის უდაბნოში განმარტოვდა და, ღრმა მწუხარებით აღსავსემ, ზეცას შეჰლაღადა: „კმა არს ან, უფალო, მიიღე სული ჩემი შენგან, რამეთუ არა უმჯობეს ვარ მამათა ჩემთა“ (3 მეფ. 19.4).

ღმერთს ნებით, ნათელმოსილი ანგელოზი წარდგა მის წინაშე, საზრდელით განამტკიცა და მიაწინა იეზაბე, რომ შორეული გზა ჰქონდა. სულითა და ხორციით განძლიერებული ელია სინას უდაბნოს გავლით ქორების მთისკენ გაეშურა, რომელსაც ორმოცი დღის შემდეგ მიაღწია. აქ მან ერთ-ერთი გამოქვაბულს შეაფარა თავი. უეცრად ნეტარს უფლის ხმა მოესმა: „რასა ხარ შენ აქა, ელია?“ - „შემშურდა შური უფლისა ღმრთისა ყოველისა მპყრობელისა, - უპასუხა ელიამ, - რამეთუ დაგიტევეს შენ ძეთა მათ ისრაელისათა, სა-

კურთხეველი შენნი დაამხუნეს და წინასწარმეტყველი შენნი მოსწყვიდნენ მახვილითა და მე მარტო დაშთომილ ვარ და ეძიებნ სულსაცა ჩემსა მიღებად“ (3 მეფ. 19.10). უფალმა წინასწარმეტყველს გამოქვაბულიდან გამოსვლა და მთაზე დადგომა უბრძანა. თავდაპირველად ქარბუქი ამოვარდა, მიწა იძრა. მიწისძვრას ცეცხლი მოჰყვა, მაგრამ არც ქარბუქის, არც მიწისძვრისა და არც ცეცხლის დროს არ გამოცხადებია ელიას ღმერთი. ცეცხლის შემდეგ დაბერა გრილმა ნიავმა და ელიამ იგრძნო ღვთის სიახლოვე. ამ სასწაულებით უფალმა დაანახა თავის რჩეულს, რომ მას კაცობრიობის მოქცევა მოთმინებითა და წყალობით სურდა და არა საშინელი სასჯელით. იგრძნო რა ღვთის იქ ყოფნა, წინასწარმეტყველი გამოქვაბულიდან გამოვიდა და მიუწვდომელი ღვთის წინაშე კეთილკრძალული შიშით სახე ხალენით დაიფარა, ისევე, როგორც მოსემ ღვთის განცხადებისას ქორების მთაზე. ამის შემდეგ ელიამ ღვთისგან მიიღო ბრძანება, იმავე გზით წასულიყო დამასკოში და აზაელი - ასურეთის მეფედ, იუი კი - ისრაელის მეფედ ეკურთხებინა, ხოლო წინასწარმეტყველად დაედგინა ელისე. ამათგან წმიდა ელია წინასწარმეტყველმა მხოლოდ უკანასკნელის ასრულება შეძლო, ხოლო პირველი ორი მან თავის მონაფეს, ელისეს უანდერძა. საყოველთაო განდგომილებით გულგატეხილი ელია უფალმა ანუგეშა - ამცნო, რომ ისრაელში კიდევ შვიდი ათასი მამაკაცი იყო დარჩენილი, რომელთაც თავყვანი არ უცია ბაალის კერპისათვის.



ვარ მამათა ჩემთა“ (3 მეფ. 19.4). ღვთის ნებით, ნათელმოსილი ანგელოზი წარდგა მის წინაშე, საზრდელით განამტკიცა და მიაწინა იეზაბე, რომ შორეული გზა ჰქონდა. სულითა და ხორციით განძლიერებული ელია სინას უდაბნოს გავლით ქორების მთისკენ გაეშურა, რომელსაც ორმოცი დღის შემდეგ მიაღწია. აქ მან ერთ-ერთი გამოქვაბულს შეაფარა თავი. უეცრად ნეტარს უფლის ხმა მოესმა: „რასა ხარ შენ აქა, ელია?“ - „შემშურდა შური უფლისა ღმრთისა ყოველისა მპყრობელისა, - უპასუხა ელიამ, - რამეთუ დაგიტევეს შენ ძეთა მათ ისრაელისათა, სა-

## 28 ივლისი წმიდა მოწამენის - კვირიკეს და ივლიტას ხსენების დღეა



ეს დღე დანესებულია 3 წლის პატარა მოწამის—კვირიკეს მოსახსენიებლად. იმპერატორ დიოკლეტიანეს დროს დანყებულ ქრისტიანთა დევნისას, მისმა დედამ, წარჩინებული საგვარეულოს შთამომავალმა ქრისტიანმა ქვრივმა ქალმა - ივლიტამ მიატოვა სახლ-კარი და მათხოვრის ნიღბით ბავშვთან ერთად იმალებოდა, მაგრამ ის იცნეს და მმართველ ალექსანდრეს სამსჯავროზე წარადგინეს. ივლიტამ

უშიშრად აღიარა ქრისტეს სჯული, რის გამოც მმართველმა მისი გაროზვა ბრძანა. წამების დროს ივლიტა იმეორებდა: «მე ქრისტიანი ვარ და ეშმაკეულს მსხვერპლს არ შევწირავო». დედის ტანჯვის შემყურე ბავშვი ტიროდა და მისკენ მიიწევდა. ალექსანდრემ მისი მოფერება სცადა, მაგრამ კვირიკე ხელიდან უსხლტებოდა და ყვიროდა: «დედასთან მიმიშვი, მეც ხომ ქრისტიანი ვარ». მაშინ მმართველ-

მა ბავშვი ქვის კიბეზე მოისროლა, პატარამ ქვის წამახულ კუთხეს თავი ჩამოჰკრა და სული განუტევა. ტანჯულმა დედამ, რომელმაც მოკლული შვილი იხილა, ღმერთს მადლობა შესწირა, რომ წამებულის გვირგვინი არ დაიშურა მისთვის. დიდი ხნის წამების შემდეგ წმინდა ივლიტა მახვილით აჩეხეს. მისი გვამი კვირიკეს ცხედართან ერთად ქალაქგარეთ დააგდეს მხეცებისა და ფრინველების საჯიჯგნად, მაგრამ ერთგულმა მხე-

ვლებმა მოახერხეს, რომ ღამით ფარულად დაეფლათ ისინი. ხალხური რწმენით, წმინდა კვირიკეს და ივლიტას ოჯახური ბედნიერებისა და ავადმყოფი ბავშვების გამოჯანმრთელებისათვის ევედრებიან. წმიდა კვირიკეს ხელის მტევანი ინახება საქართველოში. წმინდანები თავიდანვე დიდი სიყვარულით სარგებლობდნენ საქართველოში. ივლისის თვეს ჩვენი წინაპრები კვირიკეს თვეს ეძახდნენ.



# გ ა ყ ი ნ უ ლ ი ს ა ს დ უ რ ი

ზაფხულის ცხელ დღეებში ყველასთვის საყვარელი ნუგბარი ნაყინია. ალბათ, ბევრჯერ გიფიქრიათ, ვინ გამოიგონა ეს არაჩვეულებრივი დესერტი და რა ერქვა იმ უბადლო კულინარს, რომელმაც ნაყინის რეცეპტი შექმნა...

მარწყვისგან მომზადებული ნაყინი და ლაშქრობის დროს ყოველთვის მიირთმეოდა.

## მეფეთა დესერტი

ნაყინით გატაცების მორიგმა ტალღამ ევროპას შუა საუკუნეებში

მის რეცეპტს ისევე ასაიდუმლოებდნენ. საიდუმლო მამინ გამყლავნდა, როდესაც ეკატერინე მედიჩი ცოლად გაჰყვა საფრანგეთის მეფე ჰენრის მეორეს და იტალიიდან თავისი შეფ-მზარეული ჩაიყვანა. საფრანგეთის სამეფო კარი მოიხიზლა დედოფლის მზარეულის მიერ მომზადებული დესერტით. მეფის მრჩეველები შეიკრიბნენ და მოითხოვეს, მზარეულს ნაყინი მათ თვალწინ მოეზადებინა, რითაც ამ საიდუმლოს ერთხელ და სამუდამოდ აუხდებოდა ფარდა.

დროთა განმავლობაში შემუშავდა ახალი-ახალი რეცეპტები ცინულის, შარბათისა და რძისაგან ნაყინის მოსამზადებლად. მას დიდი სიამოვნებით მიირთმეოდნენ იტალიისა და საფრანგეთის მეფეთა კარზე. თანამედროვეთა თქმით, გურმანად აღიარებული ლუდოვიკო XIV უარს ეყრდნობდა ამბობდა ცდუნებაზე, რომელსაც სახელად ნაყინი ერქვა.

საუკუნეების შემდეგ დაახლოებით 80 სახეობის ნაყინს ამზადებდნენ. თურმე, ამ კაფეში ხშირად დადიოდა ნაპოლეონ ბონაპარტე, რომელსაც ნაყინი იმდენად ჰყვარებია, რომ წმინდა ელენეს კუნძულზე გადასახლების შემდეგ ინგლისიდან სპეციალური აპარატი გამოუწერია მის დასამზადებლად.


საუკუნეთა განმავლობაში ნაყინი ფართოდ გავრცელდა მთელ მსოფლიოში. გაჩნდა მისი უამრავი ნაირსახეობა, რომლებმაც ხალხში დიდი პოპულარობა მოიპოვა. ნაყინს ამზადებენ ბერძნული თხილის, მწვანე ჩაის, ტყის ფოთლებისგან... ალარაფერს ვამბობთ ანანასის, კენკრის, ხილის ნენისა და ბოსტნეულისაგან მომზადებულ ნაყინზე. იაპონელები ნაყინის ინგრედიენტებად თევზსა და ზღვის პროდუქტებსაც კი იყენებენ.

უყვარდათ ჯორჯ ვაშინგტონსა და თომას ჯეფერსონს, რომლებიც თავიანთ სტუმრებს ხშირად უმასპინძლებოდნენ ამ ნუგბარით.

საყოველთაოდ ცნობილია, რომ ნაყინი სტრესის მოხსნის საუკეთესო საშუალებაა, თუმცა, მას აქვს ერთი უარყოფითი თვისება— ძალიან კალორიულია და შეიძლება ზედმეტი კილოგრამების დაგროვების წყარო გახდეს. ამასთან, ეს გემრიელი ნუგბარი, კბილების მტერია— მისი დიდი რაოდენობით მიღება აზიანებს მინანქარს და იწვევს კარიესს. თუმცა, მთავარი მაინც ის არის, რომ დრეს ნაყინის დაგემოვნება ყველას შეუძლია და ეს სიამოვნება უკვე აღარ არის მეფეთა და არისტოკრატთა პრივილეგია.

## უბამრიელისი საიდუმლო

ნაყინის წარმოშობის შესახებ რამდენიმე ურთიერთგამომრიცხავი ვერსია არსებობს: ერთი ვერსიით, ის ძველ ჩინეთში შეიქმნა და ჩინელები მისი დამზადების რეცეპტს საიდუმლოდ ინახავდნენ. საბერძნეთში, იტალიასა და ევროპის სხვა ქვეყნებში ნაყინი მოგვიანებით გამოჩნდა. არსებობს ვადმოცემა, თუ როგორ ბრძანა რომის იმპერატორმა ნერონმა, მოეტანათ მისთვის თოვლი და ხილის ნენი შეერიათ. ამ ვერსიის მიხედვით, პირველად ხილის ნაყინი სწორედ რომში შეიქმნა. როგორც ჩანს, ნერონი ჭკმშიატი გურმანი გახლდათ, რადგან ყველა ტრაპეზი მისი სასახლის კარზე ამ დესერტით მთავრდებოდა. აღუქსანდრე მაკედონელსაც ძალიან უყვარდა ცივი



გადაუარა. ცნობილია მოგზაურმა მარკო პოლომ მოგზაურობიდან დაბრუნების შემდეგ ყველას გააცინა ნუგბარი, რომელიც შემდეგ არისტოკრატთა მენიუს განუყოფელ ნაწილად იქცა. იმ ხანებში ნაყინის პოპულარობამ ზენიტს მიაღწია. ამას ისიც უწყობდა ხელს, რომ მზარეულები

## საქვეყნოდ გამხეილი საიდუმლო

სხვათა შორის, ნაყინის ერთგვარი ნაირსახეობა რუსეთშიც იყო გავრცელებული— იქ უძველესი დროიდან მიირთმეოდნენ გაყინულ რძეს. ციმბირის სოფლებში დისახლისები დღემდე ჯამებით ყინავენ რძეს და სიციხის დროს სვამენ.

1660 წელს პარიზში გაიხსნა პირველი კაფე-სანაყინე, სადაც

## კოლონიალიზაციის პრეტენზია

ისტორიას შემორჩა მალტის ორდენის კავალერის, გრაფ ლიტის სახელი, რომელიც თითქმის მხოლოდ ნაყინით იკვებებოდა. ამბობენ, რომ სიკვდილის წინ მან ათი ულუფა ნაყინი მოითხოვა და დიდი სიამოვნებითაც მიირთვა. ნაყინი ძალიან



# მ ზ ე , ზ ღ ვ ა დ ა ტ ა ნ მ რ თ ე ლ ო ზ ა

ზღვის წყალს საკმაოდ რთული შემადგენლობა აქვს. შეიძლება ითქვას, რომ ის მენდელეევის პერიოდული სისტემის პრაქტიკულად ყველა ქიმიურ ელემენტს შეიცავს. ზღვის წყალში გახსნილი მინერალური მარილები, აირები (ყვანბადი, აზოტი, ინერტული აირები, ნახშირორჟანგი, ზოგიერთ რეგიონში - გოგირდწყალბადი), ქიმიური ელემენტები (კალიუმი, მაგნიუმი, კალციუმი, რკინა, ბარიუმი, ქრომი, იოდი, ქლორი, მანგანუმი, დარიშხანი, ვერცხლი, ოქრო, ურანი, რადიუმი) და ორგანული ნივთიერებები.

ზღვის წყლის მარილიანობა საშუალოდ 3,5%-ია, რაც იმას ნიშნავს, რომ მის ყოველ ლიტრში 35 გრამი მარილია გახსნილი. სხვადასხვა ზღვის წყალი სხვადასხვა ოდენობის მარილს შეიცავს. ზღვის წყალს სიმლაშეს ნატრიუმის ქლორიდი აძლევს, სიმწარე კი ნატრიუმის სულფატის, მაგნიუმის ქლორიდისა და მაგნიუმის სულფატის დამსახურებაა. ზღვის წყლის ერთ-ერთი თვისებაა, მუდმივად შეინარჩუნოს რაოდენობრივი ურთიერთმეფარდება იმ მარილთა ოინებს შორის, რომლებიც მასში არსებულ მინერალურ ნივთიერებათა 99,9%-ს შეადგენს.

## ზღვის კლიმატი

ზღვის კლიმატს რამდენიმე ფაქტორი განსაზღვრავს: გეოგრაფიული მდებარეობა, წყლის თავზე ჰაერის მასების მოძრაობა, ნაპირის ხასიათი და ხმელეთის რელიეფი. ამ ფაქტორების კვლობაზე, განასხვავებენ სამი ტიპის სანაპირო კლიმატს:

- თბილსა და ტენიანს;
- გრილსა და ტენიანს;
- თბილსა და მშრალს.

რა ახასიათებს ზღვის კლიმატს?

- მაღალი ატმოსფერული წნევა და მზის რადიაცია;
- ჰაერის მაღალი ტენიანობა;
- უმნიშვნელო სხვაობა ჰაერის ტემპერატურის დღეღამურ და სეზონურ მაჩვენებლებს შორის;
- არეკლილი ულტრაიისფერი სხივების უხვი შემცველობა;
- ბრიზი - ქარი, რომელიც ხმელეთისა და ზღვის ტემპერატურათა სხვაობის გამო წარმოიქმნება და დღისით, როდესაც ხმელეთის ტემპერატურა უფრო მაღალია, ზღვიდან ხმელეთისკენ ქრის, ხოლო ღამით, როცა ხმელეთის ტემპერატურა ზღვისაზე დაბალია - ხმელეთიდან ზღვისკენ;
- იოდის, ბრომის, ქლორნატრიუმის, ოზონისა და სხვა მიკროელემენტების სიუხვე.

სად დავისვენოთ? იქ, სადაც თავს კარგად იგრძნობთ. არჩევანი დამოკიდებულია თქვენს პიროვნულ თვისებებსა და ჯანმრთელობაზე.

## ნითელი ზღვა

ნითელი ზღვის ჰაერი ძალიან მშრალია (ტენიანობა არ აღემატება 20-30 პროცენტს). იგი გაჯერებულია უანგბადით და ბრომის შემცველობის გამო დამამკვიდრებლად მოქმედებს ნერვულ სისტემაზე. მთელი ზაფხული განუწყვეტლივ ქრის ჩრდილო-დასავლეთის ქარი, ამიტომ სიცხეს (ჩრდილოეთით - 30 გრადუსამდე, სამხრეთით - 40 გრადუსამდე) ორგანიზმი ადვილად იტანს. ასეთი კლიმატი ძალიან სასარგებლოა ქრონიკული სურდოს დროს, მაგრამ ჯანმრთელ ადამიანს შესაძლოა დისკომფორტი

შეუქმნას, რადგან ამრობს სასუნთქ გზებს.

ნითელ ზღვაში არ ჩადის არც ერთი მდინარე. ის ძალიან გამჭვირვალე, თბილი და ყველაზე მარილიანია - წყლის ერთ ლიტრში 41 გრამი მარილია (მდინარეებისთვის: მარლის



კონცენტრაცია ღია ოკეანეში 34 გრამია, ბალტიის ზღვაში კი სულ 5 გრამი). ზღვის მარილი კარგად ახორციებს ჭრილობებს და ხელს უწყობს კანის დაავადებების, მათ შორის დერმატიტის, ნეოროდერმიტისა და ფსორიაზის, განკურნებას. ზღვის წყალში ნითელი მარილის ოინები აუმჯობესებს თიშუსის მუშაობას, რომელიც

იმუნური სისტემის ერთ-ერთი მნიშვნელოვანი რგოლია. ძალიან მლაშე წყალში ბანაობა სასარგებლოა რევმატული დაავადებების დროს: მას აქვს ანთების საწინააღმდეგო და ტკივილგამაყუჩებელი მოქმედება, აუმჯობესებს სისხლის მიმოქცევას.

## მზე

ნითელი ზღვის სანაპიროზე ადვილად დაინვებით. მზის გამოსხივება აქტიურია, ხოლო ხშირი ქარები სიგრილის ცრუ შეგრძნებას ბადებს. ეცადეთ, პლაჟზე დილის 11 საათამდე ან 16 საათის შემდეგ გახვიდეთ.

## ხმელთაშუა ზღვა

ზღვის ჩრდილოეთ სანაპიროებზე ჰაერი 25 გრადუსამდე თბება, სამხრეთ სანაპიროებზე კი 40 გრადუსამდე. კუნძულებზე (კორსიკა, სარდინია, სიცილია, კრეტა, კვიპროსი) სიციხისგან გათანაგულ ტურისტებს ქარი შევლის. რომ არა მაღალი (50%-ზე მეტი) ტენიანობა, აქაური კლიმატი ნითელი ზღვისას დაემსგავსებოდა. ივლის-აგვისტო უმჯობესია გაატა-

როთი საფრანგეთის სამხრეთით, იტალიის ჩრდილო-დასავლეთით ან ჩრდილო-აღმოსავლეთით, ჩრდილოეთ ხორვატიამი, სექტემბერში კი შეგიძლიათ გაემგზავროთ, საითაც გენებოთ - უკვე აღარ ცხელა, ზღვა კი კვლავინდებურად თბილია. უმჯობესია, დაისვენოთ ხმელთაშუა ზღვის ისეთ სანაპიროებზე, სადაც მრავლად სტეპურ რაიონებში (როგორც არის, მაგალითად, თურქეთის ანტალია) დასვენება, სადაც გამწვანება მხოლოდ სასტუმროს ტერიტორიაზეა, გამაჯანსაღებელი თვალსაზრისით უფეცტა.

ხმელთაშუა ზღვის წყალს მეორე ადგილი უკავია მარილებით გაჯერების მხრივ. გაითვალისწინეთ: დასვენება ზაფხულში ხმელთაშუა ზღვის კურორტებზე კარგია იმუნიტეტისთვის, მაგრამ არცთუ ისე უხდება გულ-სისხლძარღვთა და სასუნთქი სისტემების დაავადებებს. აქ საკმაოდ ცხელია, მზის ულტრაიისფერი გამოსხივებაც ძლიერია, ამიტომ ხშირია სხეულის გადახურება და ძლიერი დამწვრობა. ამის გამო ევროპიდან ჩამოსული ტურისტებისთვის ძალზე აქტუალურია გარუჯვის ნესების დაცვა.

# ს ა ს წ რ ა ფ ო დ ი ყ ი დ ე ბ ა ი ყ ი დ ე ბ ა !

ქალაქ დედოფლისწყაროში, ერთ-ერთ ცენტრალურ უბანში — „**ჰარის წყლის**“ მიმდებარე ლესელიძის ქ. N5-ში ორსართულიანი კაპიტალური ბინა კარგ მდგომარეობაში, ეზოთი, ბაღით, სათავსოებით, გარაჟით, უზრუნველყოფილი წყლით, ბუნებრივი აირით, ჭით. დაინტერესებული პირები დაგვიკავშირდით: 592 78 53 42, გელა პოპიაშვილი.

იყიდება მალაზიის შენობა დედოფლისწყაროში ყველა საჭირო ინვენტარით. 100 კვადრატული მეტრი სავაჭრო დარბაზით, 200 კვადრატული მეტრი დამხმარე სათავსოებით და ეზოს ფართით. მსურველებმა დარეკეთ შემდეგ ნომრებზე: 599 26 80 28; 557 75 03 01

| ა მ ი ნ დ ი  |             | დ ე დ ო ფ ლ ი ს წ ყ ა რ ი |      |                 |      |                 |      |                 |      |                 |      |
|--------------|-------------|---------------------------|------|-----------------|------|-----------------|------|-----------------|------|-----------------|------|
| შაბათი 28.07 | კვირა 29.07 | ორშაბათი 30.07            |      | სამშაბათი 31.07 |      | ოთხშაბათი 01.08 |      | ხუთშაბათი 02.08 |      | პარასკევი 03.08 |      |
| დღე          | ღამე        | დღე                       | ღამე | დღე             | ღამე | დღე             | ღამე | დღე             | ღამე | დღე             | ღამე |
|              |             |                           |      |                 |      |                 |      |                 |      |                 |      |
| 30°          | 29°         | 30                        | 29°  | 29°             | 25°  | 28°             | 25°  | 31°             | 20°  | 33°             | 27°  |

გამომცემელი შპს „შირაპი“  
დირექტორი ინგა შიოლაშვილი  
რედაქტორი ნაირა გორაშვილი-პოპიაშვილი  
წერილი მოყვანილ ფაქტებსა და ციფრებზე პასუხს აგებს ავტორი.

სარედაქციო კოლეგია: ლალი მხრინიშვილი, ილია მარტყოფლიშვილი (კორესპონდენტები); მინაილ მკვარცხელი (სტილისტ-მწევერი); ნათელა მოსტაშვილი (ბუღალტერი); ნინო ჯანაშვილი (თვის-მწევერი); მზინა ქნაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).  
გაზეთი აიწყო და დაკაბდოდა „შირაპის“ კომპიუტერულ ბაზაზე.  
დაიბეჭდა შ.პ.ს. „სარის“ სტამბაში

რედაქციის მისამართი: ქ. დედოფლისწყარო, ფრონისის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)  
რეგისტრირებულია დედოფლისწყაროს რაიონის სასამართლოს მიერ, №6014-468.